




في ذكرى عبدالناصر

استادات

خمس سنوات من المعاناة



0112481




Bibliotheca Alexandrina

96

*Handwritten signature or mark.*






# في ذكرى عبدالناصر

National Organization of the Alexandria Library

*Pub. Collection - Alexandria*

## خمس سنوات من المعاناة



●● يجب أن نفهم الماضي لكي نشعظ بتجاربه  
لا لكي نرتبط بقيوده وسلاسله ●●





● ● كشف الرئيس أنور السادات في خطابه التاريخي ، في  
الذكرى الخامسة لجمال عبد الناصر ، أحداث سنوات المعاناة  
الخمس التي واجهتها مصر من وفاة عبد الناصر ،  
تحققت للامة الحصرية والديمقراطية والامن  
والحب ، وحققت قواتنا المسلحة مجد أكتوبر ..  
● ● وقال السادات أن مسئوليتنا اليوم ألا نحارب معارك الامس  
لا داخليا ولا عربيا ، بل يجب أن نشمر عن سواعدنا لنواجه  
معارك الغد ، بمزيد من البناء ، بمزيد من الحب والتراحم والمودة  
● ● وقال السادات أن عبد الناصر لم يحاول قط أن يقيم بناء  
جامدا اسمه الناصرية . القول بالناصرية أو الساداتية  
هو حكم شخص وليس حكما موضوعيا .  
● ● انها ثورة ٢٣ يوليو . انها التجربة الوطنية المصرية .  
ومناقشة شخص عبد الناصر بالتقديس أو بالتجريح هي  
اساءة لعبد الناصر . كان عبد الناصر انسانا . وكان بشرا .  
ولا يقلل من شأنه ان كانت له اخطاء كما كانت له حسنات .  
وانه كانت له اهداف حققها واهداف لم يحققها ..  
● ● وقال الرئيس السادات : أن التيارات والمنظمات التي  
انفقت حيواتها في محاربة عبد الناصر ، هي التي  
تتاجر اليوم بترائه لكي تهاجم مصر ..  
● ● وقد اضطر جمال عبد الناصر أن يقبل مبادرة روجرز وهو  
على مائدة المباحثات في موسكو مع الزعماء السوفييت ، بعد  
أن يشس من موقف الاتحاد السوفيتي .. ومع ذلك  
فان الاتحاد السوفيتي يرتدى الآن قميص عبد الناصر !  
● ● قال السادات ان المسيرة تكتمل اليوم بأروع صورة . ويكفي  
أن شمسب مصر ترك نزع القبس والكراهية ..



□ أكبر تكريم لعبد الناصر لقراء القرآن تتطور الثورة ،  
وتنضج وتصح مسارها .

□ أية شخصية عملاقة مثل جمال عبد الناصر .. لها  
الصداقات العميقة والخصومات الحادة .

□ المنظمات والسيارات التي أنفقت هياتها في محاربة  
عبد الناصر تحاول اليوم أن تجعل من تراثه  
تجارة يتذرعون بها للهجوم على مصر .

□ المسألة ليست ناصرية أو ساداتية .. ولكنها ثورة  
٢٣ يوليو والتجربة الوطنية المصرية .

□ كان عبد الناصر إنسانا ، وكان بشرا .. ولا يقلل  
من شأنه أن نقول إنه كانت له عسرات ..  
وكانت له أخطاء .

□ لو كانت مصر قبل ٢٣ يوليو رافلة في النعيم  
كما يزعمون .. ففيم إذن كانت الثورة .. ؟

□ كان أقصى ما وصل إليه عهد الأحزاب هو معاهدة ٣٦  
التي أسمرها معاهدة الشرف والاستقلال، والتي  
أبقت الجيش الإنجليزي في قلب القاهرة .

□ ظل الإنجليز والقصر يتحكمون في كل شئون البلاد  
حتى قيام الثورة .

□ رفضت الأحزاب كلها أي مشروع معتد  
للإصلاح الزراعي .

□ اعتذر سفير إنجلترا عن مقابلة رئيس وزراء  
مصر، وسقطت الوزارة .

□ القصر غير الوزارة مقابل نصف مليون جنيه .

□ عاشت البلاد أكثر عمرها في ظل الأحكام العرفية  
والرقابة على الصحف .





باسم الله

كل سنة وأتم طيبين ..

❏❏ في الواقع وأنا أعد نفسي للقائكم بوصفكم أعلى القيادات في الدولة ، اللجنة المركزية ومجلس الشعب ، السلطة التنفيذية كلها ، في الواقع كنت في حيرة لاني لدى الكثير مما أريد أن أضعه أمامكم خصوصا ، وانه تم منذ شهور قليلة ، تمت اعادة انتخابات الاتحاد الاشتراكي من القاعدة الى القمة الى اللجنة المركزية ، ومن حق اللجنة المركزية ، مع مجلس الشعب أن أضع أمامهم تقريرا كاملا عن الفترة الماضية .. حين أقول الفترة الماضية أقصد السنوات الخمس التي تلت وفاة عبد الناصر والتي نجتمع اليوم في نهايتها لكي نحى ذكرى عبد الناصر .

ومن ناحية أخرى .. كنت أريد أن يكون هذا الحديث مركزا تركيزا كاملا على عبد الناصر ، فقد آن الاوان فعلا أن نتحدث ، وأن نتحدث بصراحة ..

وأمر ثالث هو ما يحيط بنا من مواقف فى هذا العالم الذى نعيشه سواء كان من القوى الكبرى .. أو فى عالمنا العربى .. أو فى المحيط الدولى كله .. وقضيتنا التى هى فوق كل شئ ، والتي عاش ومات عبد الناصر من أجلها ..

ووجدتني فى حيرة فعلا .. أن أسلم طريق فى تقديرى أن أبدأ بسرديات سنوات خمس مضت منذ أن انتقل عبد الناصر الى جوار ربه حتى هذه اللحظة منذ خمس سنوات ..

ولعل استعراض هذه السنوات الخمس .. لعله يلقي الضوء على مسيرة ثورتنا التى بدأت فى ٢٣ يوليو سنة ٥٢ بقيادة عبد الناصر .. فليس هناك من تكريم لعبد الناصر أكثر من أن تكون الثورة والمسار الذى بدأه تسير وتطور وتوضيح وتصحح مسارها اذا اقتضى الامر .. فقد عشنا أحداثا جساما فى السنوات الخمس الماضية ..

لهذه الذكرى ، ذكرى عبد الناصر ، بالنسبة لنا جديفا كتعب .. وبالنسبة لى شخصيا كزميل وصديق ورفيق سلاح • خواطر كثيرة ومشاعر فياضة •

طبعاً من المؤلف فى العالم كله وعبر التاريخ كله ان أى شخصية عملاقة مثل شخصية عبد الناصر تتصدى للاحداث بالتغير .. والتغير فيه هدم وبناء .. من المؤلف أو أى شخص من هذا النوع توجد دائما الصداقات العميقة والخصومات الحادة .. وينفتح بعدها باب الجدل ، السنين وأجيالا ..

ولست أريد أن أحد من المناقشات التي لم تنقطع عن عبد  
الناصر وعن الناصرية .. ولكنني أريد ترشيد هذه المناقشات،  
حتى تكون ذات فائدة .. ونخرج منها بالعبرة الصحيحة .

فماذا نرى الآن ؟ .. نرى شطحات كثيرة غريبة .. بعضها  
ربما كان بريئا .. وبعضها بالتأكيد غير بريء ..

مثلا .. نرى تلك المنظمات والتيارات التي أنفقت حياتها في  
محاربة عبد الناصر .. تحاول اليوم أن تجعل من تراثه تجارة  
يتذرعون بها للهجوم على مصر .

ونرى أناسا آخرين ، يحاولون إقامة معبد اسمه الناصرية ..  
يحوط به التقديس والغموض لكي يقيموا من أنفسهم كهنة لهذا  
المعبد ، هم العالمون وحدهم بالأسرار .. وهم المحتكرون  
للتفسير .. وهم قضاة الخطأ والصواب .

ولا أقول .. وقد عاشت عبد الناصر وزاملته وشاركته أكثر  
عمرى وعمره ، أقول لا .. لم يحاول عبد الناصر قط أن يقيم  
بناء جامدا اسمه الناصرية .. بل كان يرفض أى قالب كان ..  
بل اننى أقول أكثر من ذلك .. ان الذين يقولون اليوم بأن  
هناك ناصرية وأن هناك ساداتية مخطئون .. انهم ينطلقون من  
أحكام شخصية وليسبت موضوعية .. وفيهم اليوم من يلعن  
الأمس .. واذا سنحت الظروف ، فسوف يلعنون غدا اليوم  
.. وهكذا ..

في تقديري أولا .. ان المسألة ليست ناصرية أو ساداتية ..  
ولكنها ثورة ٢٣ يوليو .. أن التجربة الوطنية المصرية .. هذه

هى الموضوعات والعناوين التى تناقش .. وكل دارس لتواريخ  
الامم ، يعرف أن دور أى فرد مهما كبر فهو ابن التربة التى  
أنبتته ، والظروف التى صاحبتة . والشعب الخلاق الذى واكب  
مسيرته ..

مناقشة شخص عبد الناصر بالتقدير أو بالتجريح اساءة لعبد  
الناصر .. لانه أبدا لم يشأ أن يكون صنما أبدا .. بل كان  
نموذجا فى معاشته للواقع ، ومخالطته للحياة ، ومروته فى وجه  
المتغيرات .. ليست القضية اذن قضية ناصرية أو سادية ..  
ومناقشة الامور على هذا النحو تقل فى متاهات المشاعر أو  
الاحقاد الشخصية ، وتجزىء التجربة الوطنية المصرية ..

فى حين اننا حين تناقش ثورة ٢٣ يوليو أو التجربة الوطنية  
المصرية ، فاننا نربط بذلك نضال القادة بالجماهير ، أو الحاكم  
بالشعب .. لقد كان عبد الناصر انسانا .. وكان بشرا .. وبالتالي  
فلا يقلل من شأنه أن نقول انه كانت له حسرات ، وكانت له  
أخطاء .. كانت هناك أهداف حققها ، وأهداف لم يستطع أن  
يحققها .. وأنا أيضا لا شك أن لى أخطاء .. فكل من يتصدى  
لأعلى المسئوليات فى مثل الظروف الصعبة والبحار المتلاطمة من  
التيارات لا يمكن الا أن يخطئ ويصيب ، الا أولئك الذين  
يؤثرون السلامة لانفسهم ويحكمون بالتالى على أقدار شعوبهم  
بالانكماش والجمود .

حين تكلمت فى أحد خطاباتى السابقة اليكم عن كفاح أحمد  
عرابى ومصطفى كامل ومحمد فريد وسعد زغلول ، أبدى البعض

دهشتهم واتهموا ثورة ٢٣ يوليو بأنها حذفت كل هؤلاء من التاريخ وهذا افتراء على ثورة ٢٣ يوليو فالكتب التى تؤلف عن هؤلاء لم تنقطع، وتدرّس كفاحهم فى المدارس لم يتوقف، ولكن الفرق انهم قبل الثورة كانوا يدرسون الخديو توفيق مثلاً، الذى استدعى الانجليز هو الوطنى وأن عرابى البطل المصرى الفلاح الاصيل هو المسئول عن الاحتلال .. فلما جاءت الثورة أعادت الامور الى نصابها فى المناهج التعليمية، لم يكن فى حديثى ذلك أى جديد أو غريب على، ولقد قصدت منه أن أعطى درساً لمن يفهم فى ضرورة احترام تاريخنا وتقييمه بموضوعية لا اسراف فيها ولا تقصير، ولا تزويق فيها ولا تشهير .

ولكن .. مرة أخرى انتهز البعض الفرصة وشطحت بهم الميول والافكار فراحوا يمجّدون فى العهد السابق على الثورة .. ويصورون الامور وكأن عهد ما قبل ٢٣ يوليو كان نعيماً، وما بعد ٢٣ يوليو كان نقمة وعذاباً، وهنا أيضاً أقول بكل صراحة .. لا .. التاريخ مائل أمامنا ولا يمكن خداع الناس فيه .. قبل ٢٣ يوليو .. ماذا كان العهد .. كان عهد الاستعمار والقصر والاقطاع والامتيازات والاقليّة .

وبعد ٢٣ يوليو بدأ عهد الحكم المصرى والقيادة المصرية .. والقرارات المصرية .. والاتجاه الى استرداد حقوق الاغلبية المقهورة من شعب مصر .. ولو كانت مصر قبل ٢٣ يوليو رافلة فى النعيم كما يزعمون .. فقيم اذن كانت الثورة ؟ ولماذا خرجت ملايين الشعب من اللحظات الاولى تباركها وتؤيدها .. وتنفس

الصعداء لزوال الكابوس الجاثم عليها ؟ .. اننا حين نذكر لكل عهد ايجابياته وسلبياته .. فليس معنى ذلك خلط الامور أو استغلالها لهذا الغرض ، أو لذلك .

ومرة أخرى فنحن لا تناقش الشخصيات ولكن ظروف النضال الوطنى قبل ٢٣ يوليو كانت مختلفة تماما ، وبالتالي كان انجازها ضئيلا جدا .

ماذا وصل اليه عهد الاحزاب القديمة من سنة ١٩ الى سنة ١٩٥٢ ، أى طوال ثلاثة وثلاثين عاما ؟

فى القضية الوطنية : كان أقصى ما وصل اليه عهد الاحزاب هو : معاهدة ٣٦ التى أسموها معاهدة الشرف والاستقلال والتى بمقتضاها بقى الجيش الانجليزى فى قلب القاهرة .. بل فى ثكنات قصر النيل مكان هذا المبنى الذى نجتمع فيه الآن كان أقصى أمل للمعاهدة .. احتفاظهم بمنطقة القناة كلها ، والارتباط بحلف عسكرى أبدى مع الانجليز .

وفى مجال القضية الداخلية .. ظل الانجليز والقصر يتحكمون فى كل شئون البلاد .. حتى قيام الثورة كانت السلطة الحقيقية فى دار المندوب السامى أولا .. الى سفارة فى النهاية .. أصبحت السفارة البريطانية .. ولعلنا نذكر قبل قيام الثورة بأسابيع ، اعتذر سفير انجلترا عن مقابلة رئيس وزراء مصر ، وسقطت الوزارة .. قبل قيام الثورة بأيام دفع للقصر نصف مليون جنيه لتغيير الوزارة ، وتم التغيير .. كل دى حقائق ، فى التاريخ موجودة .





في مجال القضية الاجتماعية .. رفضت الاحزاب كلها ، أى مشروع معتدل .. للإصلاح الزراعى •

في مجال التنمية .. انعدم معدل الزيادة في التنمية تقريبا .. وكانت الصناعة محاولات صغيرة فردية مبعثرة •

المشروع الكبير الوحيد ، الذى تصدت له الاحزاب طوال ٣٠ سنة كان التلية الثانية لخزان اسوان القديم وكهربته .. ومع ذلك لم يتم هذا بسبب الفساد والمضاربات الحزبية .. وهو مالا يبلغ عشر السد العالى وحده .. ومع ذلك تم أيضا كهربة خزان أسوان القديم •

أقول .. لقد انتهت الحياة الحزبية القديمة مع نهاية الحرب  
الثانية الى الافلاس في كل مجال .. ومن وقتها .. والى قيام  
الثورة .. اضطرب كل شيء في البلاد .. اضطرب الاقتصاد ،  
واضطرب الامن ، اشتركت الحكومة والسلطات في الاغتيالات  
كأنها عصاة من العصابات .. انتشر تلفيق القضايا .. انتهكت  
حرمة القضاء بتشكيل نيابات اقروا عنها أيامها .. عانيت أنا نفسي  
وأنا في السجن منها .. المحاكم، مثل محكمة حسين طنطاوي ..  
كانت اليد العليا للبوليس السياسى .. امتلأت السجون والمعتقلات  
.. عاشت البلاد أكثر عمرها في ظل الاحكام العرفية ، والرقابة  
على الصحف، وكان الفساد في أعلى المستويات .. كان هذا - مع  
الاسف - هو الوضع ، وكانت هذه الملامح هي التي مرغت كرامة  
الوطن في التراب وكانت هي الدافع الاول لقيام ثورة ٢٣ يوليو ..

□ ثورة ٢٣ يوليو كان لها سلبيات ، ومن واقع  
المسئولية أمارس النقد الذاتي .

□ كانت هناك انحرافات . وكانت هناك سجون  
ومعتقلات . وكانت هناك إجراءات وتصرفات  
لا تبررها الشرعية الثورية .

□ نمت مراكز قوى واستفحلت . وامتدت إجراءات  
الاستثنائية إلى مجالات ما كان يجب أن تمتد إليها

□ الميثاق لم ينفذ كله .. وهادر البعض مركسة لهذا  
الميثاق بالنظرية الماركسية .. ولم يكن عبد الناصر مركسيا

□ بيان ٣٠ مارس لم ينفذ على الإطلاق .

□ الهدف السادس من أهداف ثورة ٢٣ يوليو ..  
وهو رّد الحريات السياسية للشعب وإقامة  
الديمقراطية السليمة .. لم ينفذ على الإطلاق .

□ ثورة ١٥ مايو .. ثورة كاملة تمت في إطار  
ثورة ٢٣ يوليو

□ ثورة ١٥ مايو .. لم تفرض علينا بقوة خارج  
الثورة .. ولم تتم بعناصر غريبة عن الثورة.

□ ثورة ١٥ مايو .. لم تكن ثورة مضادة، ولكنها  
ثورة من أجل تصحيح مسار الثورة الأم .

□ ثورة ١٥ مايو .. فصل جديد، ولكنها فصل  
جديد في كتاب ثورة ٢٣ يوليو .

□ ورقة أكتوبر .. هي الوثيقة الأساسية لثورة  
التصحيح والتطوير .

□ ورقة أكتوبر .. حددت لنا مسار العمل الوطني  
وأهدافه ومراحلها حتى نهاية هذا القرن .



□□ ولكن .. مرة أخرى — وقد وعدت أن أتكلم بمنتهى الصراحة — مرة أخرى أقول : ان ثورة ٢٣ يوليو كان لها أيضا مميزات ، ومن واقع المسؤولية امارس هذا النقد الذاتى وأقول .. نعم .. كانت هناك انحرافات .. وكانت هناك سجون ومعتقلات .. وكما كان لا بد من اجراءات استثنائية تبررها أى ثورة ، الا أن بعض هذه الاجراءات طال أكثر مما يجب ، وامتد الى مجالات ما كان يجب أن يمتد اليها ..

كانت هناك اجراءات وتصرفات لا تبررها الشرعية الثورية ، نست مراكز قوى .. واستفحلت .. أكثر من ذلك .. وأقولها بمنتهى الصراحة .. ان الميثاق لم ينفذ كله .. بل أكثر من هذا حاول البعض مركسة هذا الميثاق بالنظرية الماركسية .. مع أن الميثاق ينص صراحة على الفروق الجوهرية بين نظرتنا وبين الماركسية ولكن عندما نشأت مراكز القوى واستفحلت ، وفي غيبة مؤسسات الدولة ، انقلب الميثاق الى نظرية ماركسية ، وعبره

الناصر لم يكن ماركسيا ، وقد قال هذا في الميثاق وقال عن  
الفروق الجوهرية بين نظريتنا .. تعالف قوى الشعب الصامل  
.. وبين الماركسية ..

بيسان ٣ مارس .. لم ينفذ على الاطلاق .. ونحن جميعا  
شهود .. وبوجه عام .. فان ذلك الجزء من أهداف الثورة وهو  
الهدف السادس من الاهداف الستة التي بدأت بها ثورة ٢٣ يوليو  
المتعلق برذ الحريات السياسية للشعب واقامة الديمقراطية  
السياسية .. أقول ان هذا الجزء لم ينفذ على الاطلاق .. باعتراف  
بالصليبات .. كما قلت بالإيجابيات ..

من موقع مشاركتي في قيادة الثورة منذ كانت جنيبا ..  
ومسؤولتي الكاملة عن مسيرتها منذ خمس سنوات .. امارس  
هذا النقد الذاتي وأسجل هذه النواحي من القصور ..

يقودني هذا الى الحديث عن ثورة ١٥ مايو التصحيحية ..  
ولعلكم تذكرون انني كنت أصر على استخدام تعبير حركة ١٥  
مايو زمنا طويلا ولكن الآن وقد اكتملت ملامحها يمكنني أن أقول  
أنها ثورة كاملة ..

ما مفزى ثورة ١٥ مايو ؟ .. انها أولا تجربة فريدة في النقد  
الذاتي .. هناك النقد الذاتي الذي يقف عند حدود الكلام فقط  
.. ولكن ١٥ مايو كانت نقدا ذاتيا وعمليا .. لم أمارسه بالقول ،  
ولكنني مارسته بالفعل .. مارسته بالتصدي لاوجه النقص





لتكسيها .. والتصدى لأوجه الانحراف بتصحيحها .. وهذا وحده هو الأسلوب الجدير باسم النقد الذاتى .  
الامر الثانى .. هو ان النقد الذاتى العلمى - أى هذه الثورة التصحيحية - تمت فى اطار ثورة ٢٣ يوليو .. فهى لم تفرض علينا قوة خارج الثورة .. ولم تتم بضغط من عناصر غريبة عن الثورة .. أى انها لم تكن ثورة مضادة .. ولكنها ثورة من أجل تصحيح مسار الثورة الام .. ومن أجل اعادتها الى منابعها الاولى وتطويرها مع تطور الدنيا وتغير الظروف الداخلية والخارجية خلال ٢٠ سنة ..

ان ثورة ١٥ مايو فصل جديد ولكنها فصل جديد فى كتاب ٢٣ يوليو ذاته .. ولم يكن التصحيح بالسلب فقط أى بتقويم

الانحرافات وازالة التراكمات الضارة وانما كان تصحيحا بالمعنى  
الايجابى أيضا • أى بمعنى الاضافة والتجديد والتطوير •

وثائق الثورة من البيان الاول بالمبادئ الستة الى الميثاق الى  
بيان ٣٠ مارس اضيفت اليها وثيقة هامة هى الوثيقة الاساسية  
لثورة التصحيح والتطوير ، تلك هى ورقة اكتوبر •

ان هناك ورقة تطوير الاتحاد الاشتراكى والبيانات الاساسية  
التي ادليت بها أمامكم أو أمام المؤتمر القومى للاتحاد الاشتراكى •

هذا عن الوثائق والخطط التي حددت لنا مسار العمل الوطنى  
وحددت لنا أهدافه ومراحله ، من هنا حتى نهاية القرن كما هو  
وارد فى ورقة اكتوبر ..

□ إثنى أضع أمانكم تقريراً كاملاً عن أعباء  
وارتجانات خمس سنوات من المعاناة .

□ بعد وفاة عبدالناصر مباشرة .. كانت البلد ممزقة  
وكل واحد من مراكز القوى كان يريد أن  
ينال نصيباً من التركة .

□ كان أمامي هدفان .. إزالة الحقد المستشري  
في البلد ، بإزالة الصراعات ومراكز القوى ،  
وقصص مسار الثورة .. وفي نفس الوقت  
الاستعداد للمعركة .. ومن هنا كانت المعاناة

□ لم يرسل السوفييت ما وعدوا به من أسلحة .  
فاتجه عبدالناصر في أول مايو ١٩٧٠ بخطاب  
إلى الرئيس نيكسون وأمر يكا .

□ أمريكا هي الطرف الرئيس في الصراع .. ومن  
يتجاهل هذه الحقيقة .. يتجاهل شيئاً أساسياً  
في حقيقة الصراع .

□ جاءت مبادرة روجرز تنص على الانسحاب  
وعلى إيقاف إطلاق النار ٩٠ يوماً .

□ عاد عبدالناصر من موسكو بعد رحلة استمرت ٢٠ يوماً ، ليقرر لي إن مساعدة السوفييت لنا أصبحت حالة ميؤس منها تماما .

□ اضطر عبدالناصر أن يعلن قبوله لمبادرة روجرز وهو على مائة المباحثات مع الزعماء السوفييت

□ جرح إخواننا الفلسطينيون عبدالناصر .. ومصر .. بمنتهى الشراسة .. كما يتكرر منهم الآن .

□ أحمى هذا الكلام .. لأن الاتحاد السوفييتي يلبس الآن قميص عبدالناصر .

□ كثيرون يلبسون اليوم قميص عبدالناصر .. مثل حزب البعث في سوريا وفي العراق .. وما لها جمو به عبدالناصر في حياته سجل ومعروف

□ مات عبدالناصر وتوليت المسؤولية في هذا الجؤ المحم من جانب من يهاجمونا .. ومن جانب أمريكا وإسرائيل بعد أن أسقطوا مبادرة روجرز .



■ ■ ■ فماذا عن الجانب العملى والممارسة فى أرض الواقع ؟

لعلكم قرأتم أخيرا ذكريات عن ذلك اليوم منذ خمس سنوات يوم ٢٨ سبتمبر سنة ٧٠ يوم أن انتقل عبد الناصر الى جوار ربه . ولم أستطع أن أنشر كل شيء .. فهناك أمور كثيرة تحكمنى :

أولها أساسا .. هو المصلحة العليا للوطن لم أستطع أن أتحدث فى هذه الذكريات التى قرأتوها لم أستطع أن أضع كل ما سجلته للمطبعة لكى يطبع .

وأنا التقى بكم اليوم كأعلى قيادات فى هذا البلد فى مؤتمر ، أحمد الله أننى أستطيع ، وبعد مرور السنوات الخمس .. سنوات المعاناة هذه أن أضع أمامكم تقريرا كاملا كما بدأت فى حديثى .

لكم تعلمون ماذا كانت عليه الاوضاع عقب وفاة عبد الناصر مباشرة . كانت البلد ممزقة ، والصراعات ، والخلافات ، ومراكز القوى ، وكل واحد منهم يريد أن ينال نصيبا من التركة .. وحين

أقول بعانة ، فأننى أعنى فى المقام الاول ، اننى حانيت من الحق  
الذى استشرى فى البلد .. الحق والتفكك ، تفكك العائلة  
المصرية .. البعض حاقدا ، البعض الآخر مجروح ، والبعض  
الآخر تائه .. وفوق كل هذا أمامنا اسرائيل على الضفة الشرقية  
لقناة السويس .. ولم يكن من سبيل أمانى لكى أبدأ ، الا أن  
أضع هدفين أساسيين :

الهدف الاول .. هو ازالة هذا الحق المستشرى فى البلد ،  
بإزالة الصراعات ومراكز القوى كلها .. وتصحيح مسار الثورة  
.. وفى نفس الوقت كان على أن تكون عيني دائما على أرضنا  
المحتلة ، وعلى قواتنا المسلحة ، وعلى المعركة المقبلة .. من هنا  
كانت المائة ..

ويهمنى هنا ، علشان أربط التاريخ .. تاريخنا فى حلقات  
مشكاملة ، يهمنى لازم أرجع لسنة ٧٠ ، علشان زى ما قلت قبل  
كده فى خطاب من خطباتى : تاريخنا عبارة عن سلسلة .. حلقات  
تكمل بعضها البعض .. ليست مقطعة والافاتنا وأجيالنا المقبلة  
سنواجه آلام ، ونواجه متاعب شديدة اذا لم نعرف تاريخنا واذا  
لم يكن تاريخنا فعلا متصل الحلقات .. أعود الى سنة ٧٠ ، فى أول  
العام .. كما قرأتم سافر عبد الناصر الله يرحمه للاتحاد السوفيتى  
فى أول يناير ٧٠ بعد ضرب أبو زعبل واتفق على تزويدنا بصواريخ  
سام ٣ واتفق أيضا على أن تأتى أطقم سوفيتية تدير هذه  
الصواريخ الى أن تنتهى الاطقم المصرية من التدريب على تشغيل  
هذه الصواريخ ، وكان مقدر أن الاطقم المصرية بتاعتنا تنتهى من  
تدريبها فى أغسطس ٧٠



كلنا نذكر أن اسرائيل بحادث أبو زعبل كانت داخلة على عتق  
الجمهورية .. ضربت أبو زعبل .. ضربت معسكر دهشور على  
بعد ربع ساعة من القاهرة .. وقالوا احنا ضربنا دهشور على بعد  
ربع ساعة من القاهرة .. سماء مصر مفتوحة أمامنا .. كان لابد  
أن نعجل بالصواريخ الجديدة لان الاتحاد السوفيتي مكاشي  
بيدينا الا صاروخين سام واحد وسام اثنين ودول ماياثروش  
على الارتفاعات الواطية .. دول للارتفاعات العالية بس .. من  
هنا جه حرص عبد الناصر على أنه في فترة الفراغ اللي ما بين  
استلامنا للصواريخ في فبراير ومارس سنة ٧٠ الى أن تنتهي  
الاطقم المصرية بتاعتنا من التدريب عليها في أغسطس ٧٠

في هذه الفترة من فبراير ومارس الى أغسطس تأتي اطقم  
سوفيتية علشان تشغل هذه الصواريخ .. وجت فعلا الاطقم  
السوفيتية مع الصواريخ وزى ما حكيت لكم في خطابي الماضي  
عاد عبد الناصر وهو سعيد جدا ، لان الاتحاد السوفيتي مش بس  
وافق على صاروخ سام ٣ .. بل وافق أيضا على مطلبين آخرين  
كانوا لنا .. يمثل أحدهما ، وأنا حكيت عنه ، الحرب الالكترونية  
.. ويمثل الآخر سلاح للردع .. وده اللي كان دائما محور  
خلافنا مع الاتحاد السوفيتي من وقت عبد الناصر لغاية أنا  
ما توليت الى أن أنهيت وجود الخبراء السوفيتي ستة ٧٢ ..  
جه عند الناصر .. وصلت الصواريخ .. وصلت الاطقم  
السوفيتية .. لكن الباقي ما وصلش ..

في أول مايو سنة ٧٠ ، وفي عيد العمال .. وكنا في شبرا  
الخيمة .. اتجه عبد الناصر في خطبته رسميا وأمام العالم كله

بالخطاب الى الرئيس نيكسون وأمريكا ، والخطاب موجود  
ومسجل - ليه ؟ - في المشكلة اللي احنا فيها .. أمريكا طرف  
رئيسي أن ما كاتتش هي الطرف الرئيسي فهي طرف رئيسي ..  
هي اللي بتعطى اسرائيل زى ما قلت أنا : ابتداء من الزبدة  
والعيش الى المدفع والدبابة والطائرة .. وهي اللي وافقت سنة  
٦٧ بإشارة .. بالنور الاخضر .. للهجوم على مصر .. ومن  
يتجاهل هذه الحقيقة .. يتجاهل شىء أساسى فى حقيقة الصراع  
الى احنا عايشينه النهاردة .. اتجه عبد الناصر بالخطاب الى  
نيكسون وطلب أن أمريكا تحدد موقفها سلبا أو ايجابا .. انها  
تقول حتى اذا كانت مش قادرة تعمل حاجة ، تقول .. تعلن ..

وجات مبادرة روجرز .. بعد هذا الخطاب بشهر طلع  
ما يسمى بمبادرة روجرز من أمريكا - المبادرة كان فيها شيئين  
أساسيين :

الامر الاول .. هو الانسحاب ..

والامر الثانى هو ايقاف اطلاق النار لمدة ٩٠ يوم .. فى ذلك  
الوقت وبدءا من سنة ٦٩ - مش ٧٠ بدءا من ٦٩ واحنا فى حرب  
استنزاف .. استمرت طول ٦٩

فى يوليو ٦٩ أدخلت اسرائيل سلاح الطيران الاسرائيلى كعنصر  
من عناصر الضرب والرد والردع بالنسبة لنا اللي تطور بعد كده

فى أوائل ٧٠ زى ما حكيت لكم انه دخل على العمق فى أبو  
زعل وكان داخل الى عمق الجمهورية لغاية اسكندرية . المبادرة  
كان فيها شيئين اثنين : الانسحاب ووقف اطلاق النار لمدة ٩٠

يوما .. ثلاثة أشهر .. في هذه الاثناء .. أنا قلت لكم عبد  
الناصر سافر في أوائل ٧٠ في أواخر يناير وجه في أوائل فبراير .  
مرة أخرى سافر في هذه السنة نفسها ٧٠ ، سافر في يونية الى  
الاتحاد السوفيتي .. وكانت مبادرة روجرز طلعت وأعلنت  
للعالم ومستتية أمريكا ردنا على هذا واحنا مستمرين في حرب  
الاستنزاف . راح عبد الناصر لموسكو تاني مرة في يونية وقبل  
ما يسافر هذه الرحلة أعدنا لها اعداد كامل .

طريقة السوفيت .. أسلوبهم انه لا بد يكون عندهم المسائل  
جاهزة علشان يستطيعوا ياخدوا قرار قبل ما يوصل لهم الضيف  
الى رايح لهم .. وكان موجود هنا سفيرهم المرحوم  
فينوجرادوف الاول وكان صديق عزيز لمصر ، وكان ، لأول مرة  
باقولها ، طول فترة خدمته منذ ٦٧ الى سنة ٧٠ - اللي توفي  
فيها - كان كل يوم اثنين يجيني في بيتي الساعة حداثر صباحا  
علشان نعيد تقييم الموقف وتفضل الامور واضحة بالنسبة لنا  
لانه ما كانش لنا في هذا الوقت - زى ما كلكم عارفين - الا  
الاتحاد السوفيتي وكانت علاقاتنا مقطوعة بأمريكا .. علاقاتنا  
منقطعة مع العالم العربي كله ، علاقتنا منقطعة مع غرب أوروبا ..  
ما كانش في الواقع فيه حد نعتمد عليه الا الاتحاد السوفيتي في  
ذلك الحين .

فأنا اتفقت مع عبد الناصر فعلا وجعلنا كل يوم اثنين الساعة  
حداثر بلا موعد ، والكلام ده ثابت عندهم .. عند السوفيت  
هنا .. بلا موعد بييجي كل يوم اثنين الساعة حداثر أسبوعيا

لغاية ما طلت الراجل من سنة ٦٧ لغاية ٧٠ ، يتعد وينميد تقييم  
الموقف ، يشوف اذا كان فيه مشاكل بيتنا ..

اذا كان فيه اعادة لتقدير مواقف .. أو .. أو .. ينصرف  
الراجل بعد ساعة أو ساعتين حسب الحال .. وباروح أنا لعبد  
الناصر وينتقد تتكلم وتشوف ايه الدور ..

قبل زيارة عبد الناصر في يونية جهزنا لها لمدة شهر كامل ..  
وكان التجهيز زي ما حكيت لكم أساسه احنا غاوزين الحرب  
الالكترونية وغايزين سلاح الردع .. وعدوه .. في يناير نفذوا  
سبام ٣ والأطقم السوفيتية لكن ماجتش بقية الوعود .. فجهزنا  
وقعدنا شهر كامل وحتى قبل ما يسافر عبد الناصر وأنا بتكلم  
وبله قلت له أنا في تقديري الدور ده لا بد كل شيء حينتهى فعلا  
لانه كل شيء جاهز عند القادة السوفيت قبلها بشهر .. وكل  
شيء واضح تمام ..

يسافر عبد الناصر .. ماردش على الامريكان في مبادرة  
روجرز وسافر .. وراح قعد معاهم .. وفي أثناء سفره كنت أنا  
رئيس اللجنة السياسية في اللجنة المركزية للاتحاد الاشتراكي ..  
جمعت اللجنة السياسية وبعد دراسة كاملة لمشروع روجرز فرنا  
بالاجماع توصية برفض هذا المشروع .. ومسجل هذا الكلام  
.. وعبد الناصر كان في موسكو وقت ما اجتمعنا احنا لانه في  
هذه الرحلة قعد أكثر من عشرين يوما ورجع عبد الناصر وشفته  
متبال .. صحته طيبة ممتازة .. دخل مضحة هياك .. أنا  
انصرف ذهني طبعا الى انه دائما معنوياته كانت بتبقى عالية لما

يبقى حاسس ان طلباتنا بتجاب لان المعركة مافيش مفر منها ..  
وكان كل جهدنا وعملنا وتركيزنا فى المعركة .

صحيا كان ممتازا . لكن نفسيا بعد ما وصل مباشرة فى نفس  
اليوم وأنا بأوصله للبيت وبأسأله قال لى للأسف حالة ميثوس  
منها تماما .. ليه ده احنا مجهزين للرحلة من قبلها بشهرين وكل  
شئ عندهم هناك ؟

فقال لى : والله يعنى وحدة من اثنين - ده بنص كلامه الله  
يرحمه - اما انهم هذه المعلومات اللى انت من شهر حكيت لى  
عنها ورتبتها واديتنى تقرير كامل ووصلتها لهم انت والسفير  
السوفيتى جهزتوا كل شئ . وأنا مسافر وفاهم ان كل شئ جاهز  
على القرار ولا بد خدوه هناك لانهم خدوا وقتهم كفاية .. قال  
لى وحدة من اثنين : اما انهم ما وصلتهمش هذه المعلومات كلية  
أو أنهم يتعمدوا اهمالها ..

أنا حقيقة صدمت بهذا .. نفسيا كان فى حالة سيئة جدا  
.. جدا ..

وقال لى : أنا اضطريت أن أعلن على ترأيزة المفاوضات فى  
الكرملين أمام الزعماء السوفيت الثلاثة قبولى لمبادرة روجرز .  
وصل بيه لانه شأيفت زى ما قال واحدة من الاثنين : يا إما  
ما وصلتهمش معلومات خالص .. تبقى أجهزتهم بقه ما اجناش  
عارفين ايه اللى فيها . أو وصلتهم ومتجاهلين كل شئ تماما فى  
الايام اللى قعدها فى المفاوضات قبل ما يروح للاستشفاء .

فقال لى اضطريت أقبل وأعلنهم على ترييزة المفاوضات فى الكرملىن بقبولى لمبادرة روجرز ، وغضب بريجينيف فى أقصى درجات الغضب • وعبد الناصر قال له : مفيش أمامى أبدا ازاء المعاملة اللى أنا شايفها منكم الا انى أقبل مبادرة روجرز •• ورجع وعاد •

ولما شرح لى قلت له : ده أنا جمعت اللجنة السياسية فى اللجنة المركزية ومتخدين توصية برفض مبادرة روجرز •• قال لى : آدى واقع الحال •• وآدى واقع الصورة آه • وأعلن قبوله لمبادرة روجرز فى مصر هنا بعد ما أعلنها لقادة الكرملىن هناك الثلاثة على تراييزة المفاوضات • عبد الناصر ما كانش يوصل لهذا القرار بسهولة أبدا • وخاصة زى ما قلت انه كان خطوطه مقطعة مع الكل • مع أمريكا ، مع غرب أوربا ، مع العرب ، ناس كثيرين جدا فى العالم ومفيش غير الاتحاد السوفيتى •

مجال المناورة وهو كان مناور • مجال المناورة مفيش قدامه ، وده اللى كان مخليه فى حالة نفسية سيئة ، واللى خلاه يتخذ هذا القرار • قامت قيامة العرب علينا زى بالضبط اللى ييجرى النهاردة فى فض الاشتباك الثانى وبأشرس من اللى جرى فى الايام الماضية على عبد الناصر •• بمنتهى الشراسة على عبد الناصر وعلى مصر •• ومش قادر الراجل يحكى •• ليه هو قبل هذا • باحكيها أنا النهاردة •• وباهديها لكل انسان فى العالم العربى •• وباهديها لآخواننا اللى الاتحاد السوفيتى النهاردة يرسم لهم الخطط ويحط لهم ، ويديهم الاخبار ، والمواقف •• قامت قيامة العالم العربى •• مش العالم العربى طبعا كله ••



انما اخواننا الفلسطينيين بالذات كانوا أشرس من الشراسة ، في  
الحكاية دي .. وجرحوه .. جرحوا عبد الناصر الله يرحمه ..  
وطبعا الهجوم انصب مش على عبد الناصر .. على عبد الناصر  
وعلى مصر .. نفس اللي تكرر أخيرا في عملية فض الاشتباك  
الثاني ..

وقبلنا مبادرة روجرز .. وعبد الناصر قال كلمة الانسحاب  
لما تيجي بلاش تشتغل عليها ، وتكلم .. ومنضيعش هذه الفرصة  
أبدا .. وأي انسحاب على الأرض لا بد تقبله .. أنا باحكي  
الكلام ده ليه ؟ .. باحكي الكلام ده لانه النهاردة الاتحاد  
السوفيتي من ضمن اللي لابسين قميص عبد الناصر .. ماهو  
لبسوه كتير .. اللي كانوا يشتمو عبد الناصر .. اللي قلت  
.. حكيت أنا عنهم هنا .. في الخطبة .. التنظيمات ، والقيادات  
.. حزب البعث اللي في سوريا وفي العراق وفي كل مكان . دول  
يعني معروف ايه اللي قالوه .. لانه مسجل في الصحافة  
والصحافة موجودة ..

لكن النهاردة .. من ضمن بأه اللي لابسين قميص عبد الناصر  
الاتحاد السوفيتي .. بعد عبد الناصر الدنيا راحت .. طبعا  
بخلاف التانيين اللي لهم أغراض في نفوسهم واللي حكيت عنهم  
أنا هنا .. قبلنا المبادرة .. اليهود فوجئوا بقبولنا المبادرة ..  
لانه هم وافقوا عليها على أساس أنه ١٠٠٪ عبد الناصر هاتفض  
.. وفعلا قعد أكثر من شهر ونصف مايردش .. على عادتنا ،  
احنا العرب ، اليهود متعودين .. لا .. لا .. لا .. والافعال

اللى بلوش أساس .. فتورطوا وأعلنوا قبولهم للمبادرة . قام  
جبه عبد الناصر وقال أنا قبلت المبادرة .. عندئذ بدأ تحرك جديد  
وهو : ان اليهود عايزين يتخلصوا لان المبادرة فيها كلمة انسحاب  
وهم لما وافقوا وقالوا عبد الناصر بقاله شهر ونص ، وفى موسكو  
مش حيوافق عليها والعالم العربى طبعاً حوالينا ، اخواننا  
المتحمسين والعنترين كلهم قالوا رأيهم و .. و .. و .. اتخموا  
اليهود فيها .. وافقوا .. لما جبه عبد الناصر وافق .. أسقط فى  
أيديهم . يعملوا ايه .. طلعوا حكاية ان مصر حركت الصواريخ  
نقضا لمبادرة روجرز .. الله !! طب دى أرضى .. ده الضفة  
الغربية أرضى .. والضفة الشرقية برضه أرضى .. تحريك  
صواريخ ايه !! .. هما عايزين يخلصوا من كلمة الانسحاب اللى  
عبد الناصر ورطهم فيها بقبول مبادرة روجرز ..

وبدأت مناورات عنيفة . وفى ذلك الوقت كانت طبعاً خطلوطنا  
كلها مقطوعة فى كل اتجاه وخاصة مع أمريكا صاحبة أكبر قسط  
فى هذه المعركة .

أمريكا خدت الدعاية الاسرائيلية ومشيتها .. عبد الناصر  
نقض مبادرة روجرز .. وعليه فالمبادرة انتقضت وفى هذا الجو  
المحموم .. اللى العرب يشتموا فيه .. والفلسطينيين بالذات  
يشتموا وبشراسة .. يشتموا عبد الناصر ومصر .. واللى  
اليهود والامريكان يرتبوا علشان اسقاط هذه المبادرة مات  
عبد الناصر فى ٢٨ سبتمبر سنة ٧٠ ، وتوليت .. كان على انى  
أكمل .. وأنا حكيت الجزء ده ليه ؟ علشان أقول ان العملية



بتكامل بعضها كلها .. العملية حلقات متصلة مع بعضها . البكاء  
على عبد الناصر وقيصر عبد الناصر النهاردة ، طيب ماهو خط  
المسار واحد .. المسار واحد وماشي ويتطبق حسب كل مرحلة  
وحسب المتغيرات اللي بتيجي من حولنا في كل مرحلة ، بل زى  
ما هاحكى في ثورة التصحيح استطعنا ان احنا نقفز قفزة ضخمة  
جدا نحو أشياء كثيرة جدا كانت مؤجلة إلى ما بعد ازالة آثار  
العدوان ..

توليت في هذا الجو المحموم من جانب اللي يهاجمونا ..  
من جانب أمريكا واسرائيل علشان اسقاط المبادرة .. وكان  
التسعين يوم كانوا ينتهوا في نوفمبر ٧٠ ، فجمعت المسئولين ،  
واتخذنا قرار ان احنا نجدد لتسعين يوم أخرى جديدة ويعتسنا

.. كان محمود رياض وقتها وزير الخارجية ، راح الامم المتحدة .. واستطعنا ان احنا نجدد تسعين يوم جديدة ، لكن اتفقنا ان ده آخر وقت نجدد فيه .. خلاص مش حنجدد غير دى .. لان احنا كما قرأتم يمكن جزء وبقية الاجزاء عن الصراعات اللى كانت موجودة فى الفترة بعد وفاة عبد الناصر مسجلها وحاططها لكى تحفظ فى تاريخ هذا البلد .. كانت صراعات رهيبة .. حقيقة - فكان علينا ان احنا نلم أنفسنا قبله داخل البيت .. من أجل هذا اتفقنا ان احنا تأجل .. نمنح تسعين يوم جديدة للمبادرة من نوفمبر ٧٠ تنتهى فى ٤ فبراير ٧١ ، البديل لعدم القبول بمبادرة روجرز أو اسقاطها .. البديل الوحيد هو اننا نبتدى حرب الاستنزاف تانى على طول .. لكنه زى ما قلت فى أغسطس ، لما قبلنا الفقرة الثانية من المبادرة .. وقف اطلاق النار لمدة تسعين يوم .. فعندما تسقط هذه المبادرة وتنتهى لا بد نبدأ على طول حرب الاستنزاف مرة أخرى .

□ بدأت مناورات مراكز القوى .. وكان في تقديرهم مثل الأمريكان والإنجليز أنني سأبقى بعد عبدالناصر من ٤ إلى ٦ أسابيع .

□ أرادت مراكز القوى أن تدفعني إلى معركة على الرغم من أن صواريخ الدفاع عن البعيد « نصف مصر » لم تصل من السوفييت .

□ قلت لمراكز القوى .. لن أبدأ حرب استنزاف ، وأضحي بنصف مصر .

□ قمت بأول زيارة للاتحاد السوفييتي في أول مارس ١٩٧٠ واهتجت على عدم وصول بطاريات الصواريخ .. وطلب الردع الذي وعدوا به عبدالناصر .

□ قلت للسوفييت ليس عندي سلاح أرى به على الفائتوم .. وكانت جلسة هامة .

□ استعجلت مراكز القوى الصراع .. وأقلت على صبري ثم شراوى جمعة .. وكانت ثورة ١٥ مايو .

□ هاء بود هورنى وطلب المعاهدة .. رغم أنهم  
رفضوها من عبدالناصر ومنى مرتين فى حياة  
عبدالناصر .

□ وبعد بود هورنى أن تصل الأسماء التى طلبناها  
بعد ٤ أيام . ولم يصل أى شئ !

□ فعلموا لهذا تماما مع عبدالناصر بعد ٦٧ حتى فقد  
أعصابه وطلب من تيتو أن يباغرم أنه لا يقبل هذا الأسلوب

□ فخلوئى فى عام الحسم .. وكنت طلبت منهم أن يسحبوا  
أطقم سام ٣ ، وقال برجنيفان هذا السحب سيؤثر عليهم عالميا

□ رفض السوفييت إصدار بيان مشترك نطلى به عدم  
وفائهم بعهود لهم فى عام الحسم .

□ كنت غيظى .. وخطبت فى مجلس الشعب ، وخطبت  
موقف الاتحاد السوفيتى وهو الذى أصره  
أمام الشعب .



□□ في يناير جمعت اللجنة التنفيذية العليا ، وكان أغليتها من اخواننا بتوع مراكز القوى ، وجمعتهم في القيادة في مدينة نصر في العباسية وخطبت الموضوع قدامهم ، وبحضور القائد العام للقوات المسلحة ومدير المخابرات ، وقلت لهم قولوا لي رأيكم واحنا في يناير لان فبراير حييجي .. ولازم يا اما نجدد هذه المبادرة ، واحنا متفقين ان مافيش تجديد آخر ، أو تسقط هذه المبادرة ، وما يترتب عليها .. وقولوا لي رأيكم ايه .

في هذا الوقت .. كانت المناورات خدت حدها من مراكز القوى ، ويظهر انهم قالوا : يكفى ده بقى .. يكفى المدة اللي أنا قعدتها .. كفاية لغاية يناير .. يتدوا يعملوا علشان أمشي زى ما كان في تقديرهم ، وزى ما كان في تقدير الأمريكان والانجليز والكل .. كانوا مديني من ٤ الى ٦ أسابيع بعد عبد الناصر .

ابتدت المناورات واحنا قاعدين في هذا الاجتماع .. كلكم تذكروا لما عملنا حرب .. ابتدينا حرب استنزاف في ٦٨ في سبتمبر وبعدين وقفناها واستأنفناها تاني في ٦٩ و ٧٠

كلكم تذكروا اللي جرى في نجع حمادى لمحول كهرباء المحطة  
الكبيرة .. أنا رحت بنفسى شفتها .. وضرب كوبرى قنا -  
اللى حصل هناك .. وضرب قناطر نجع حمادى .

منذ ذلك الوقت - كان عبد الناصر موجود - اتفقنا مع  
الاتحاد السوفيتى بشأن بيعت لنا دفاع صواريخ عن المنشآت  
بتاعتنا اللي فى الصعيد اللي هى القناطر الثلاثة : أسنا ونجع  
حمادى وأسيوط والمواقع الرئيسية ، والكبارى الرئيسية ،  
علشان نخط عليها دفاع صواريخ ..

مرة ثانية بارجع .. الكلام ده حصل فى أواخر ٦٨ مش  
النهاردة .. اللي باكلمكم بقة فيه دلوقتى فى يناير ٧١ ولا جاتش  
بطاريات الصواريخ ..

من سبتمبر ٦٨ لينابر ٧١ ولا جاتش لسه بطاريات الصواريخ  
اقتدت المناقشة واتضح .. بقى فيه تيار واضح جدا قدامى  
مراكز القوى - الجماعة دول قالوا طيب خنخلص منه ازاى  
.. ما نزلقه فى معركة يخسرها .. وتبقى العملية انتهت .. وعلى  
ذلك يأخذوا خط التشدد وهو انه نبتدى حرب الاستنزاف فى  
يوم الجمعة ٥ فبراير بعد ما تخلص ٤ فبراير تنتهى المدة يوم  
الجمعة ٥ فبراير نبتدى حرب استنزاف على طول ..

حرب استنزاف .. وهو مدخل الطيران بتأه من يوليو ٦٩  
زى ما قلت لكم كرد على مدفعيتنا لان مدفعيتنا متفوقة عليه ..  
ولما تعب راح مدخل الطيران فى يوليو ٦٩ بل فى ٧٠ دخل على  
أبو زعل وعلى عمق البلد وكان عايز يخش على أعماق الجمهورية  
ويقول سناؤكم فاضية مفتوحة قدامى لولا سام ٣ جه .



وبعدين .. بطاريات الصعيد ماوصلتتش .. والصعيد من  
رأس محمد اللي هي في شبه جزيرة سيناء ..

في الليالي القمريه انضربت المحطة الكهربائيه اللي قلت لكم  
عليها في نجع حمادى .. وانضرب كوبرى قنا ، وانضربت قناطر  
نجع حمادى .. كل ده بيتم في الليالي القمريه بهليكوبتر من  
طويلة المدى بتقوم من رأس محمد لما نبص على الخريطة نبص  
نلاقى المسافه بين رأس محمد والمنطقه دى في الصعيد قصيره  
خالص ، ولكن الهليكوبتر دى طويله المدى فيقدروا في القمر  
يجوا يروحوا يضربوا اللي هم عايزين يضربوه ويرجعوا ..

لازم يكون عندنا دفاع .. عملنا الدفاع الشعبى .. لكن  
الدفاع الشعبى مش كفايه .. دى منشآت قناطر .. ثلاث قناطر  
وكوبرى نجع حمادى يفصل محافظتين من الصعيد لو جرى له  
حاجه ينفصلوا نهائيا عنه .. ما وصلتتش بطاريات الصواريخ ؟  
لا .. فبتدى حرب الاستنزاف يوم الجمعة على طول ٦ فبراير  
.. رفضت ، وقلت لهم .. أنا والله كون مبادرة روجرز نرفضها  
وتسقط خلاص ده أمر ماعنديش فيه أى تردد ، لكن انى أبدأ  
حرب استنزاف من غير بطارياتى .. والصعيد بتاعى مكشوف  
.. وأضحى بالصعيد .. لا .. موش مستعد .. ويقولوا زى  
ما يقولوا .. الرأى كل الاغلبية كانت مع بدء حرب الاستنزاف  
.. أنهيت الاجتماع ..

جيت في أربعة فبراير وخطبت في مجلس الامة وأعلنت المبادرة  
بتاعتى اللي أحمد الله أن اليهود ماقبلوهاش .. لاله احنا كان  
لازم لنا معركة فعلا .. وأنا عملت هذه المبادرة وكان مؤداها انه

الى حصل فى المعركة ان اسرائيل تنسحب اختيارا وأفتح قناة السويس ويارنج ييجى ويتولى فى بحر ٦ أشهر عمل اتفاق واحنا ندى وقف اطلاق نار ٦ أشهر ما دام يارنج شغال ومستعدين نجددها ما دام يارنج شغال .

اليهود فى قمة الغطرسة رفضوها .. وأعلنت أنا فى ٤ فبراير فى هذا اليوم ان احنا خلاص ماحناش ملتزمين بمبادرة روجرز ، سقطت وحاندى شهر من عندنا هو عبارة عن الفترة من ٥ فبراير الى ٧ مارس فرصة للعالم علشان يخش معانا ويشترك . وكل انسان يشيل مسئولياته ..

الهدف كان من وراء ده كله .. اعلان مبادرتى ، ثم اعطاء شهر ، انه بنقول للعالم اتفضلوا .. الى عايزين نحل يتفضل ، احنا عايزين نحل بسلام من غير حرب اذا أمكن ذلك .. رفض اليهود وردوا على يارنج رد فى غاية الغطرسة والغرور زى ما كانوا عايشين .. وجه ٧ مارس .. قبلها بقى .. رحت بعت للاتحاد السوفيتى : يا جماعة .. بطاريات الصعيد .. القناطر عندى .. دى القنطرة الواحدة لو انضربت يغرق نص مليون فدان .. أيوه .. جاية فى السكة .. فى السكة .. فى يوم جالى القائد العام ، وقتها كان محمد فوزى ، وقال لى ان المراكب حاتوصل .. واحدة يوم ١٨ فبراير ، وواحدة يوم ٢٣ وأخطرونا رسمى ، قلت كويس .. حاتبقى قبل ٧ مارس ونبقى عندئذ جهزنا نفسنا .. وجهزنا حتى القطارات الى حاتشيل على طول تودى على الصعيد .. وندافع عن الاهداف الحيوية وعندئذ نبقى أحرار .. ويبقى عندى أنا الحرية انى أبدأ .. وأنا مطمئن

على نص بلدى .. الصعيد .. جه ١٨ فبراير .. ماجاش حاجة  
.. جه ٢٢ فبراير .. مافيش حاجة جت خالص ولا اخطار انه  
اتأجل ليه ولا اتأخر ليه ولا امتى حاييجى تانى .. خالص ..

فجيت أنا فى أول مارس بعث لهم فى أواخر فبراير ، وفى يوم  
واحد واثنين مارس عملت أول زيارة لى كرئيس جمهورية  
للاتحاد السوفيتى سرا .. يوم واحد واثنين مارس ..

يا جماعة .. قعدت مع القادة الثلاثة فى الكرملين .. ليه  
كده ؟ اتو عارفين ان آخر ميعاد عندى أنا مديه ٧ مارس ..  
والصعيد .. أسيب الصعيد ازاي ؟ البطاريات .. حاضر  
حاتوصل .. أتارى كان عندهم مؤتمر الحزب فى ٣١ مارس ..  
وهم فى مثل هذه المناسبات يفتكروا الاسلوب اللى الانسان  
— ماعدش يقدر يستحمله بقى الحقيقة — يحاول يحط نفسه  
قيم على الواحد .. وانه احنا فاهمين ان راسنا سخنة .. فأول  
ما حاتوصلنى البطاريات حاروح فاتح النار على طول . حاتتورطوا  
.. حانتضرب احنا .. هم مش عايزين هذا فا مايقولوش لأ ..  
لكن .. ما ييعتوش حاجة أبدا .. خدت جلسة يومها .. واحد  
واثنين مارس وكان معايا واحد من مراكز القوى التقال ووزير  
الحرية والقائد العام محمد فوزى وسمعوا منى أنا قلت ليه  
للقادة السوفيت فى المحضر . ورجعت جمعت اللجنة العليا هنا  
وشرحت لهم وقلت لهم الحكاية ..

كنت باتكلم فى هذا الاجتماع مش بس على بطاريات الصعيد  
.. على سلاح الردع اللى متفقين مع عبد الناصر عليه من يناير  
٧٠ ولا جاش .. ومات عبد الناصر ولا جاش برضه .. وعقدة

العقد كانت بيننا والاسلوب قلت لهم الاسلوب ده مش يقبله حد  
أبدا .. اطلاقا .. ومتخلونيش دايما ورا اسرائيل بعشرة خطوات  
.. مع انى أنا مبتدى على .. المفروض انى أكون قدامها بعشرة  
.. لكن أنا قابل خلونى وراها بخطوتين مش بعشرة .. وده مش  
أسلوب .. وبعدين اسرائيل بكل تبجح بتقول ان ايدها طويلة  
اللى تصل بيها الى أى عمق فى الامة العربية ولها حق .. بتوصل  
بالفاتوم الى أى عمق عندى .. وما عنديش أنا سلاح واحد  
أرد بيه .. أردع بيه وأقول لهم أنا .. للردع فقط .. يعنى مش  
حستخذه الا لما يعتدى على .. ولا حياة لمن تنادى .. كانت  
جلسة عنيفة جدا وساخنة جدا .. وجيت أعلنت اللجنة العليا بيها  
هنا وحضرها معايا زى ما قلت لكم فوزى القائد العام وقتها  
وقطب من أقطاب مراكز القوى .. وجم هنا ، وتفاصيلها حييجى  
وقت أقول لكم عليه كله وتعرفوها ان شاء الله .

ورجعت .. وزى عاداتهم .. زى ما يعملوا مع عبد الناصر  
.. وزى ما يعملوا معايا .. ويعملوا مع كل الزباين اللى  
عندهم .. فى آخر الاجتماع علشان يقفلوا المناقشة ويسكتوك  
يروحوا مطلعين كشف ويقولوا : وافقت الحكومة السوفيتية  
على تزويدكم بالاصناف الآتية .. ويروح قايل الحاجات اللى  
هو منقيها .. كذا وكذا وكذا وكذا .. واحد فى وضعنا احنا  
ممكن يقول لأ حاجة زى دى ؟ مش ممكن .. زى قوة ..  
اضافة جديدة لقوتنا ولسلاحنا بنقلها .. لكن سجلت عليهم فى  
هذا الاجتماع ان أنا أرفض رفضا باتا هذا الاسلوب فى التعامل  
.. من أول زيارة رحلتها فى ١ و ٢ مارس وأعتقد ان دى كانت  
نقطة تحول بينى وما بين الاتحاد السوفيتى ..

ده الخمس سنين .. ده أنا بانط تفاصيل كثير قوى .. ولسه

في مارس ٧١

مراكز القوى استعجلت الصراع بعد ما رجعت أنا وكنا  
ابتدينا تنكلم في عملية الاتحاد بين مصر وسوريا وليبيا ..  
استعجلوا الصراع .. واتتهنى بأنى أنا في أول مايو سنة ٧١  
خطبت في حلوان وكانوا موضحين الاجتماع طبعاً .. وعاملين  
حسابهم على فركشته .. وانه يطلع اجتماع غير ناجح .. فوجئوا  
بأن الاجتماع تم على أحسن صورة .. الحركات بتاعتهم ،  
وكانت واضحة في التليفزيون أيامها لكل الناس ، مقعدين جيش  
بالكامل شايل صورة عبدالناصر وكل شوية يطلعها .. طب وماله  
.. أما يطلعوا صورة عبدالناصر .. وماله .. هو ده حيايقنى  
في حاجة ؟ .. ده أنا أول مرة زرت فيها السودان طلع السودان  
.. الخرطوم طلعت لى بصور عبد الناصر فقط ، مطلعوشى  
بصورى ..

هم عارفين ان ده وفاء منهم لعبد الناصر ولى .. دول اللى  
قابلوا عبد الناصر في أغسطس في سنة ٦٧ بعد الهزيمة في مؤتمر  
الخرطوم وكتبت التايم والنيوزويك - رغما عنها ان شعب  
السودان خرج لعبد الناصر المهزوم على أروع صورة ..  
شكرتهم .. شكرت شعب السودان وكانت مجاملة لطيفة من  
شعب السودان انه يقابلنى أنا بصور عبد الناصر .. الجماعة  
فاهمين انه لما حيطلعوا لى الصور حترعجنى .. طب كويس  
وماله ..

في هذه الخطبة في آخرها فوجئوا باللى أنا قلته بأن أنا مش  
مستعد أبدا انى أسمح بصراع ومراكز قوى .. و .. و ..

وما كانوش عارفين هذا الجزء من الخطبة ، ثانى يوم مباشرة  
أقلت على صبرى .. يوم ٢ مايو مشيت التحولات .. أصابهم  
حمى فى نشاطهم وأنا قاعد مستنى .. لىضاية ما رحت القوات  
المسلحة فى ١١ و ١٢ مايو .. يوم ١٣ أقلت شعراوى جمعة زعيم  
الجماعة دول .. وقلت أما أشسوف .. وكلكم عارفين ايه  
التطورات اللي حصلت بعد كده .. استقالوا كلهم فى نشرة  
الساعة ١١ .. وققت الاذاعة .. وقلت لهم : طب وباعتين  
الاستقالة الساعة ١١ الا دقيقتين ..

قلت للى جايب الاستقالة .. طب ما قلتش من بدرى ليه ؟  
علشان أعلن قبولها فى النشرة .. ومع ذلك أعطيت المكتب خبر  
وقلت لهم فى آخر النشرة اعلنوا قبول الاستقالة .. مش مشكلة  
يعنى ..

وفعلا ويوم ١٤ كان يوم مجلس الشعب اللي سجله فى  
التاريخ لما راح عزل مراكز القوى كلها وعلى رأسهم رئيسه فى  
ذلك الوقت .

يوم ١٥ رجعت الامور طبيعية .. وكان لا بد بقة انى آخذ  
الخطوة الاولى الجذرية وهى تصحيح مسار الثورة على طول ،  
نحيت مراكز القوى كلها .. اللي كانوا فى الحكم ..  
فوجئت بخبر جاي لى .. الاتحاد السوفيتى يقولوا بدجورنى  
جاي لك رئيس الدولة السوفيتية .. فى مايو بعد ما اتصفوا  
الجماعة دول بمفيش حاجة يعنى .. فجانى .. قلت لهم يتفضل  
مرحبا .. أنا بحريص جدا على علاقتى بالاتحاد السوفيتى ..  
وأنا باحكى بالتطويل ده ليه .. أو باحكى الشرح ده ليه ..

أنا عايزكم تعرفوا المرحلة مشيت ازاي الخمس سنين ..  
والمعاناة اللي شفتها أنا في الخمس سنين عشان تعرفوا تصور  
المسار مشي ازاي .. ويبقى كل واحد منكم مسلح بحقيقة  
الموقف كاملة ..

جاني بدجورنى .. وأنا حريص وزى ما قلت لكم .. كنت  
باشوف السفير السوفيتى لمدة ثلاث سنوات من ٦٧ الى ٧٠ كل  
يوم اثنين وبتقعد ساعتين نقيس في الموقف وبنحل جميع المشاكل  
لان احنا ملناش غير الاتحاد السوفيتى في ذلك الوقت خالص ..  
تتكلم وياه ويساعدنا ويدينا سلاح .. قالوا بدجورنى جاي لك  
في مايو .. ييجى .. وفوجئت انه جه أول حاجة بيطلبها منى  
عايزين نعمل معاهدة .. طيب ده أنا عبد الناصر بعتنى لكم  
مرتين باطلب معاهدة .. ورفضتم .. عبد الناصر في آخر رحلة  
في يونيو ٧٠ قبل ما يقبل مبادرة روجرز على تراييزة الكرملين  
.. قال لهم يا جماعة اذا كنتم عايزين تتطمئنا اعملوا معاهدة  
معايا أمضيتها معاكم دلوقتى .. قالوا له لا .. طيب ماتتوش  
عايزين معاهدة .. خلوه حلف أمضيه معاكم دلوقتى .. لا ..  
برضه .. قال لهم طيب أنا قبلت مبادرة روجرز .. على التراييزة  
فوجئت في مايو .. جاي لى يقول لى ، المعاهدة .. قلت له  
التوقيت مش سليم .. استنى لما تعاد انتخابات الاتحاد  
الاشتراكى كلها ويجتمع المؤتمر القومى في ٢٣ يوليو ٧١ وتعالى  
وقدام المؤتمر القومى كله نعمل المعاهدة .. وبعدين .. الحاجة  
الغريبة .. اقم اشمعنى دلوقتى وافقتم على المعاهدة ، مع ان  
أنا مرتين أروح لكم ، وعبد الناصر آخر مرة كان عندكم السنة  
اللى فاتت في ٧٠ قبل ما يموت بشهرين .. قال لكم معاهدة ،

قلتيم لأ .. قال لكم طيب حلف علشان تتطمئنا أكثر ، قلتيم لأ ..  
قال يعنى الغرب دلوقتى بيتكلم وشحمتان فينا .. وموقفنا ..  
واحنا والمكتب السياسى خد قرار .. وفوضنى انتى أعمل معاك  
معاهدة .. و .. و .. و ..

قلت له طيب أنا بعت لكم .. مش ده الكلام اللى أنا بعتة لكم  
.. أنا بعت لكم قبل ما أصفى الناس دول .. قبل ما أصفى على  
صبرى بالذات من أكثر من شهر ونصف .. بعت لكم رسميا  
وقلت لكم الجدة ده لن يصلح ولن يستمر فى القيادة .. لاني  
لا أسمح بالصراع فى المرحلة اللى بتمر بيها البلد دى .. نختلف  
فى رأى معلىش .. لكن تتصارع لأ .. وده عاوز صراع .. فأنا  
بعت لكم وقلت لكم اوعوا تفكروا دى ضد الاتحاد السوفيتى  
.. مع ان ده أمر داخلى يخبىنى .. ما كانش لازم أقول لكم  
عليه .. لكن أنا حريص عليكم وعلى صداقتكم .. بعت لكم  
قبلها بشهر ونصف .. وقلت لكم اوعوا يقولوا لكم الغرب ..  
ويطلع بالصورة انه رجل موسكو الاول فى مصر اتصفى ..  
و .. و .. و .. تقوموا انتم تفكروا انه خلاص .. لأه انتم  
بتعاملوا معانا احنا كحكومة مش مع أفراد .. مش الكلام ده  
راح لكم قبل شهر ونصف .. قال لى : آه .. قلت له طيب  
يعنى ايه لزوم العجلة فى عقد المعاهدة .. طبعا بتورى .. المعنى  
اللى وراء هذا واضح .. قلت له أنا رأى لأ .. تستنى لغاية  
يوليو .. بكل الاساليب والطرق لأ .. وموقفنا .. واحنا  
أصدقاء .. واحنا حلفاء .. والغرب دلوقتى .. وكذا .. وكذا  
.. قلت له ميش هى دى المشكلة ، وهو ده اللى يحفظ صداقتنا  
.. قال لى آه ، قلت له خلاص وهو كذلك نعمل المعاهدة ..



ونذهت لمحمود رياض .. جهزوا يا رياض واعملوا لنا معاهدة  
.. مع الاتحاد السوفيتي .. وعملنا المعاهدة قبل ما يسافر وهو  
في المطار .. قلت له أنا ماليش غير كلمة واحدة أقولها لك وانت  
مسافر دلوقتي بلغها لبريجنيف وكوسيجين زملائك .. الثقة ..  
الثقة .. الثقة .. ثلاث مرات .. الاسلحة اللي أنا كلمتكو عليها  
في مارس .. ميش آن الاوان بقى .. قال لى لأ خلاص .. عد  
أربع أيام بعد وصولي .. الخامس سيكون عندك كل اللي انت  
عايزه .. آه !! يا دار ما دخلك شر ..

وانعقدت المعاهدة .. وشعبنا الحمد لله بفطرتة وبوعيه فاهم  
.. ومشيت .. فات أربع أيام .. فاتوا خمس أيام .. فات  
شهر .. فات اثنين .. فات ثلاثة .. جه يوليو .. حصلت  
حوادث السودان .. الثورة الشيوعية اللي قامت في السودان  
.. خدنا منها موقف .. ساء الموقف .. ساء العلاقات أكثر  
ما هي سيئة .. وأنا باعمل على انى أجلبها .. معاهدة ، قال لى  
.. قلت له ما في مانع .. اذا كانت دى اللي بتحل .. قوى ..  
نعمل معاهدة ..

موقفنا من عملية السودان .. زود اللي في العلاقات ..  
فضلوا قاطعين .. ما يردوش على أى شىء أبغته أبدا .. اطلاقا  
.. لا بخير ولا بشر لغاية أكتوبر .. من مايو يوم كان عندي  
لغاية أكتوبر .. في هذا الوقت أنا لما جه وعملنا المعاهدة ..  
وقال لى الحاجة جاية لك .. كل شىء .. أنا أعلنت ان دى سنة  
الحسم .. واحنا لن نسمح أن الموقف يتجمد .. لان احنا في هذا  
الوقت أسقطنا مبادرة روجرز وكان علينا يا تقبل الوضع اللي  
بحنا فيه وقاعدين لا سلم ولا حرب واسرائيل قاعدة لنا في

الضفة الشرقية واحنا قدامها في الضفة الغربية وتقبل الوضع ده  
.. يا اما نحره .. ما يتحركش أبدا الا بمركة .. فلما قال لى  
.. أعلنت أنا انها سنة الحسم - سنة الحسم - سنة الحسم -  
سابونى لغاية أكتوبر ، وبعثوا قالوا : أخيرا القادة السوفيت  
مستعدين يقابلوك يوم ١١ و ١٢ أكتوبر ٧١ ، أنا الدم يغلى في  
رأسى كان - أنا كنت هناك في مارس - قلت حاضر باروح ..  
وعدم الرد على ، والاهمال اللى يعملوه ، وعطوها قبل كده مع  
عبد الناصر .. وأنا حكيت قصتها قبل كده .. عملوها مع عبد  
الناصر سنة ٦٧ ، بعد ما بعثوا لنا النجدة الاولى من الاسلحة  
عملوا نفس الحكاية .. بيعت ما يردوش عليه .. عبد الناصر  
فقد أعصابه فعلا أيامها وكان عندنا تيتو يوم ١٠ أغسطس ٦٧  
.. قال له تطلع من هنا .. من عندى هنا في الاسكندرية وتروح  
لهم هناك وتقول لهم : أنا لا أقبل هذا الاسلوب واللى يجرى  
.. يجرى .. أبدا .. الاهمال وعدم الرد ده .. ده اللى حصل  
لعبد الناصر سنة ٦٧ ، كتمت الغيظ ورحت في ١١ و ١٢ أكتوبر  
.. ليه يا جماعة كده ؟ معاهدة قتلوا .. عملنا المعاهدة .. أربعة  
أيام استنيت مافيش .. أبعث لكم بعدها ، شهر ، اثنين ، ثلاثة ،  
أربعة .. دخلنا في أكتوبر .. على ما قتلوا تعالى لأ خلاص  
احنا العلاقات بيننا لازم تكون كذا .. ولازم تكون كذا ..  
وكذا .. وكذا ..

طيب أنا أعمل ايه دلوقت في سنة الحسم .. قالوا : قول لنا  
انت قلت ليه سنة الحسم .. ليه !! عايز أحرر أرضى ، وعايز  
أحرر بلدى ، وان فضلت أنا نايم على كده .. ده أحسن وضع  
عايزينه اليهود وعايزاه أمريكا .. انى أفضل في الوضع اللى أنا

فيه لغاية ما أنهار .. والدعاية بقي ، واحنا نفسنا كعرب من  
داخلنا للأسف .. كانت الانهزامية راكبانا ، واللى بيكتبوا واللى  
يحللوا .. شىء مؤسف حقيقة . مع انه مفروض فى وقت الازمة  
اللى زى دى الكل يتجه الى الصمود .. لكن الانهزامية فى كل  
مقال وفى كل تحليل .. فى كل العالم العربى ، والثقة بتنهار  
وتتهاوى بشكل رهيب .

قلت لهم لازم .. قمت علشان أحركهم شوية قلت لهم اتقوا  
فاكرين التمتاشر طقم بتوعكم بتوع سام ٣ اللى جه عندنا فى  
فبراير ومارس ٧٠ بناء على طلب عبد الناصر .. قالوا آه ..  
قلت لهم : التمتاشر طقم بتوعنا ادربوا بقى لهم دلوقت يجى سنة  
.. وجاهزين ، واحنا مستعدين بقى نستلم مواقع سام ٣ ،  
واسحبوا خبراءكم والعساكر والضباط بتوعكم اللى يشغلونها  
.. واحنا متشكرين .. صحيت المناقشة على طول .. على طول  
.. وبريجنيف قال : ده وضع حياثر علينا قدام العالم ، وده  
وجود سوفيتى — أهه — ده حاجة جديدة طلعت .. وجود  
سوفيتى .. يعنى اللى يخش ما يطلعش .. ايه وجود سوفيتى  
.. وايه حياثر على ميزان القوى فى العالم وايه حياثر .. وايه  
.. وايه .. قلت له : والله أنا عندى كلام .. اسحبوا التمتاشر  
طقم بتوعكم ، وأنا التمتاشر طقم بتوعى جاهزين للاستلام فوراً  
.. قال لى : طب مانديك تماشر بطارية للتمتاشر طقم بتوعك  
.. قلت له أهلا وسهلا . وخذت تماشر بطارية .. وفضل  
الوجود السوفيتى .. قلت له انت بتدور على الوجود السوفيتى  
.. أنا ما عندى مانع أبداً .. بس ادينى الاسلحة بتاعتى .. أنا  
مش خايف من وجود سوفيتى عندى .. أبداً .. ادينى بس

الاسلحة بتاعتى .. قال لى حديدك كل حاجة .. و .. و ..  
وفى نهاية المقابلة زى مارس بالظبط ، وزى العادة مع كل الزبائن  
يروح مطلع الورقة .. قررت الحكومة السوفيتية تزويدكم  
بالاصناف الآتية وقبلتها .. قبلت .. السلاح طب حيجينى امتى،  
وأنا حددت السنة دى سنة الحسم .. قالوا اجنا فى أكتوبر ..  
يجبى لك على طول قبل آخر السنة .. طيب .. أنا رجعت وقلت  
سنة الحسم ماشية .. وفضلنا ماشيين .. فات أكتوبر كله ،  
١١ و ١٢ أنا كنت هناك ، فات أكتوبر كله .. جه نوفمبر وفات  
كله .. جه ديسمبر .. ولا خبر .. ولا المركب جاية امتى ..  
ولا حتوصل امتى، ولا اصناف ايه اللى جاية فى الاول، ولا حاجة  
أبدا .. وجينا ديسمبر .. يوم ٨ و ٩ ديسمبر بدأت معركة الهند  
وباكستان .. والاتحاد السوفيتى طرف فيها .. بوضح لى أن  
الاتحاد السوفيتى طرف حايخش .. وبعدين معركة فى الهند  
وباكستان .. وحابتدى أنا عندي معركة هنا .. والمعركة ايه  
دا السلاح كان مفروض يجيلى .. دخلنا ديسمبر ولا وصلش  
حاجة .. أنا كنت عاوز فى أكتوبر ونوفمبر توصلنى .. على  
ما توصل ديسمبر .. يناير بالكثير أكون دخلت المعركة .. دى  
سنة الحسم .

وضح بعد ما ابتدت معركة الهند وباكستان .. والاتحاد  
السوفيتى طرف فيها وطلبوا تسهيلات معينة منا ادينا لهم ..  
وضح أنه خلاص راحت سنة الحسم .

فأنا بعث بحسن نية يعنى .. ندهت السفير السوفيتى ..  
قلت له دلوقتى سنة الحسم، بيدع معركة الهند وباكستان خلصت  
.. لانه حتى لو وصلنى كل الاسلحة اللى اتوقايلين عليها



دلوقتى .. مش حالىق ابتدى الا فى الربيع اللى جاي، دلوقتى لازم نشوف لنا طريقة احنا الاثنين نخرج بيها من هذا المأزق .. وأنا مش عارف ان العملية متعمدة من جانبهم .. أنا فاهم انه يعنى اتورطوا أو حاجة .. والله تقول للقادة السوفيت أنا مستعد أسافر لهم فى ديسمبر هذا ونطلع صيغة بيان نعطى به سنة الحسم .. أتم واحنا ..

الكلام ده كان يوم ١٠ ديسمبر ٧١ فات ٢٠ ديسمبر و ٢٥ ديسمبر ، ٢٧ ديسمبر ، ٢٨ ديسمبر جالى السفير السوفيتى .. ايه .. القادة السوفيت مستعدين يقابلوك ١ و ٢ فبراير ٧٢ .. طيب أنا .. دا أنا قصدى من العملية دى قبل ١ و ٢ فبراير .. دخلنا سنة ٧٢ ، فى الوقت ده ، لو تذكروا أحداث الطلبة ايه - القيادة الانهزامية - الحلول التصفوية - الكلمات اياها دي

كلها .. المظاهرات .. احتلوا المبنى بتاع المجلس الاعلى  
 للجامعات وكونوا لجنة الطلبة العليا علشان العملية خلاص اتتهت  
 .. و .. وكان يترجم كل هذا اليسار زى ما اتم عارفين ..  
 طبعا .. كتمت غيظى .. ورجت خطبت فى مجلس الشعب  
 وغطيت موقف الاتحاد السوفيتى اللى كاشفنى .. ورجت فى  
 ١ ، ٢ فبراير وأول سؤال سألته وانا معاهم على الترايزه .. انه  
 تعطى موقفنا بتاع سنة الحسم .. واللى جرى قدام العالم ..  
 وقدام بلدنا هنا .. وعامل حسابى ان بلدنا يصدقنى .. لما مش  
 يحصل الحسم حيعرفوا مين اللى عمل هذا ..  
 وده اللى حصل فعلا فى اوائل ٧٢ لو تذكروا .. كانت البلد  
 كلها ضد الاتحاد السوفيتى .. مما خلانى أروح مجلس الامة  
 رسميا واخطب والخطبة متسجلة وموجودة فى الجسرايد ..  
 وادافع عن الاتحاد السوفيتى ، بل وانذر كل مسئول يشتغل  
 معايا أقول اللى قابل يشتغل معايا على هذا قابل واللى مش قابل  
 يفضل يمشى يستقيل .. وانا فى قمة الغليان ماقدرتش اقول له  
 حاجة .. ماهماش جاهزين .. مواعيدهم مش جاهزة مين اللى  
 آخر الاسلحة .. ليه تعملوا فى كده .. هو انا صديق ولاعدو ..  
 دا ما يتعملش فى عدو .. لما اتم عندكم اتفاق أو عارفين انه فيه  
 حاجة حتحصل فى ديسمبر بين الهند وباكستان وكانت انديرا  
 غاندى وقتها .. وقت انا ماكنت عندهم كانت بتلف العالم كله  
 وتهيأ العالم للمعركة .. ولقت العالم فعلا كله ، وهيأت العالم  
 للمعركة قبلها بشهر ونص .. طبعا كان الاتحاد السوفيتى عارف  
 ١٠٠٪ لانه كان طرف فيها .. وبعث امدادات للهند .. لما اتم  
 عندكم ضمير .. ولا احنا حنكون متورطين فى عملية ثانية ..

- سألت بريجنيف .. لماذا لم ترسلوا ما وعدتم به ؟  
فأجاب أنه مسئول بسبب الرهائن !
- هاء المارشال جريتشكو إلى مصر في معركة استعراضية  
لكي يكسبوا بها أمام نيكسون في مباحثاته في موسكو  
وفرحت الهدى .. ومع ذلك قبلت .
- طلبوا أن أسافر إلى موسكو في ٢٤ ساعة .. لكي  
يستغلوا زيارتي في مباحثات نيكسون .. وفرحت  
ومع ذلك قبلت .
- قلت لهم : الحل السامي مستحيل ما لم يتحرك الموقف  
العسكري . وضربت لهم مثل جماعته في فيتنام .  
وأقرني بريجنيف .
- فوهبت بالبيان المشترك عن مباحثات بريجنيف - نيكسون  
وأتباعهم لحالة الاسترخاء العسكري في المنطقة !
- هذا يعني أن تبقى أرضنا محتلة .. وإسرائيل متفوقة عسكريا  
والسوفييت لا يوفون بوعدهم .

□ رد علينا السوفييت بعد شهر كامل .. ولم يشيروا  
بكلمة واحدة إلى ما وعدوا به من أسلحة!

□ خمسة أسطر في نهاية رد السوفييت تقول :  
«أما عن المعركة ، فمنذ مسألة لنا خبرة كبيرة  
فيها .. وإعداد لها أمر خطير جدا».

□ رفضت خطاب الزعماء السوفييت في ٨ يوليو .. واتخذت  
قرارات إضراب الخبز السوفييت .

□ البعض كتب أنه كان يجب أن أتصل بأمريكا ، لكي آخذ  
ممن هذه العملية .. وأنا أقول السياسة أفضل .  
وأنا لا أطمح صديقا من الظلم .

□ قلت للسوفييت : إن العملية مصرية .. وإرادة مصرية ..  
فوافقوا بعد ٨ أشهر على صفقة أسلحة .

□ أعطيت تعاليمي إلى القوات المسلحة في أغسطس ١٩٧٢  
أن تعد نفسها للمعركة ..





□□ سألت هذا السؤال .. رد برجينيف على طول قال انا المسئول ..  
.. له .. قال الروتين اللي عندنا .. الروتين والاداة الحكومية  
و .. و ..

قلت له يعنى مع عدم اقتناعى بهذا - انما اهو - فى المستقبل  
بقى .. ان ده اذا تكرر حاحط له حد .. حيبقى نقطة خطيرة ،  
نقطة تحول خطيرة فى علاقتنا .. ده فى ١ و ٢ فبراير ٧٢

دى ثالث مرة بقى ، ١ و ٢ مارس ١٩٧١ و ١٢ أكتوبر ٧١  
١ و ٢ فبراير ٧٢ ثلاث مرات انا جيت لكم آهو .. انا باقول لكم  
فى المرة دى اذا تكرر هذا حيبقى نقطة تحول فى علاقتنا ابدًا مش  
يحصل .. كوسيجين رئيس الوزارة قال انا بنفسى حاشرف  
على امداداتكم وحاولاها لان ده روتين وده .. وده وده ..  
قلت طيب .. وبرضه طلّعوا الكشف فى آخر الاجتماع والاسلحة  
اللى هم عايزين يدوها لى مش اللي أنا باطلبها .. وقبلت  
وجيت ..

في هذا الوقت اتحدد أول مقابلة أو لقاء بين أمريكا والاتحاد  
السوفيتي واتفق على أن يزور نيكسون موسكو في مايو ٧٢  
نتيجة سياسة الوفاق اللى عملها كوسيجين •

قلت استنى •• أسلحة أيام ما كان لنا بطاريات في الصعيد  
أتم فاكرين وكان فيه مؤتمر الحزب الشيوعى في ٣١ مارس  
ما بعشوش البطاريات الا بعد ما انتهى الحزب •• قلت والله  
يادى المصيبة •• مش حييعتوا لى سلاح الا لما تتم المقابلة بتاعتهم  
همه ونيكسون في موسكو لان همه ما يحبوش في الاوقات اللى  
زى دى زيارة عندهم أو همه يعملوا زيارة أو حاجة وحييجى  
بعدين في كماله التاريخ وأحكى ازاي •• كان ده طريقهم  
وأسلوبهم دايمًا •• قلت لما نشوف ••

في أواخر ابريل بعثوا لى جريتشكو قبل ما يروح لهم نيكسون  
بحوالى عشرين يوم •

بعثوا لى جريتشكو وزير الدفاع وجه هنا في مطار غرب  
القاهرة وجاى مجهز بيان معاه من اللجنة المركزية ويقول لى  
احنا مجهزين بيان وجاب ، وجاب معاه طيارة اسمها سوخوى  
١٧ •• وكان عندنا أربع طيارات الفوكس باك اللى حكيت لكم  
حكايته في الاجتماع اللى فات • والبيان جاى أن روسيا زودت  
مصر بقاذفات بعيدة المدى وأسلحة جديدة وكذا وكذا ••  
وعايزين يقرأوا لى البيان •• قلت لهم ماتقروش ، عاوزين ايه ؟  
قالوا عاوزين البيان •• قلت لهم طلعهوه •• أى شىء فيه أنا  
موافق •

هو كانت العملية عملية انه قبل ما يزورهم نيكسون في  
موسكو يوروا انهم يعنى لهم وجود ولهم كذا في الشرق  
الاطوسط ولهم قوة ..

في اواخر ابريل بعد ما مشى جريتشكو فوجئت بالسفير  
السوفيتي طالب يقابلني .. له ؟ قال القادة السوفيت عاوزينك ..  
٢٤ ساعة في الكرملين لمدة ٢٤ ساعة ضروري جدا وكنا في اواخر  
ابريل .. طبعاً واضح المسألة انه عايزني اروح أسافر هناك يعنى  
ولما يجي نيكسون بعدها يبقى نيكسون عارف ان مصر في  
الفلك الروسى وكان هنا وبرغم انى رحى ثلاث مرات في أقل من  
سنة ، الرابعة أهه و .. و .. و .. قلت له أنا ما كنت عندكم  
ثلاث مرات ، ده مفروض دلوقت اتم الى تردوا الزيارة ..  
قال لى القادة بالطول بالعرض ٢٤ ساعة بس مافيش غيرهم ..  
طيب ..

سافرت ورحى في اواخر ابريل قبل مايو وقلت .. الاتحاد  
السوفيتى عاوز ياخذ بيها منظر على أمريكا زى بعضه مافيهاش  
حاجة .. صديقتا .. وصلت وقعدنا حللنا .. في هذا الوقت  
كانت فيتنام عملت الهجوم الكبير اللى ابتدا في أول يناير ٧٢  
.. وكانت أمريكا رافضة تروح مؤتمر باريس وانسحبت منه  
.. فلما قام الهجوم الكبير في أوائل ٧٢ وكان هجوم ساحق  
اضطرت أمريكا تغير سياستها أمام الامر الجدد الواقع ..  
وراحت مرجعة مندوبها تانى لباريس ورجعت مؤتمر باريس تانى  
وتهددت زيارة نيكسون لموسكو في مايو فهو هو ده كان مجال

حديثي مع القادة السوفيت في القعدة دي قلت لهم مثل قدامكم  
أهوه .. أمريكا سابت مؤتمر باريس واتفطرت وانسحبت ولما  
اتعمل الهجوم الكبير في أول يناير .. واحنا بقى لنا دلوقت في  
فبراير أربعة أشهر أهوه غيرت أمريكا أمام الامر الواقع وأمام  
التحرك العسكري .. اضطرت انها تغير وترجع مؤتمر باريس  
.. مش بش كده .. ونيكسون يجي لكم موسكو كمان وهمه  
عارفين ان الهجوم الكبير ده كله بسلاح سوفيتي .

قلت له ان المسألة مش حاتنتهى زى ما قلت لكم ميت مرة .  
همه .. ما فيش في راسهم غير الحل السلمى ..

طيب .. قلت له حتى الحل السلمى مش حايجي بدون  
ما تحرك الموقف عسكريا .. بدون معركة ما فيش فائدة .

وآدى أكبر مثل أمامكم .. فيتنام .. بريجنيف قال أنا متفق  
معاك في هذا التحليل تماما . قلت له : انت متصور نيكسون  
حاجب حاجة الدور ده ؟ .

ده سنة ٧٢ كانت سنة الانتخابات أيامها والرئيس الأمريكى  
في سنة الانتخابات لما يقدرش يحل ولا يربط حاجة علشان  
ما يقيدش الرئيس اللي يجي بعده . ده تقليد في الولايات  
المتحدة .

حايحصل حاجة . اتفقنا انه موقف أمريكا يا اما حيكون  
سيء يا اما حيكون الى الاسوأ . مش حيكون كويس . وجيت

قعدت ٢٤ ساعة هناك فعلا وجيت . انما المهم هو الاعلان ان  
السادات رئيس مصر كان عندهم قبل نيكسون ما يروح لهم .  
آه حاضر رحت وخلص اقتهى . وجه الاجتماع - اتفقنا كان  
بته أنا وبريجنيف . . انه بعد ما اتفق معايا في التحليل انه لن  
يحدث لا حل سلمى ولا غيره الا بالتحرير وبمعركة عسكرية .  
وهم أكبر مثل فيتنام بعدما اتفق معايا ١٠٠٪ على هذا . اتفقنا  
على - قلت له بعد ما يسافر نيكسون حيبقى أمامنا خمسة أشهر  
لغاية الانتخابات الأمريكية - الاصناف اللي ناقصانا واللى من  
أيام عبد الناصر بنصرخ عليها ، اعملوا معروف ابعتوا لى علشان  
بعد ما ينتخب نيكسون ويعيد انتخابه أو جه رئيس جديد بداله  
بقى جاهزين ، تتكلم من أرضية ثابتة ، ولن يحترمنا الامريكيون  
.. ولن يحترمنا اليهود الا اذا كانوا عارفين قوتنا ايه ، واللى  
بيجى لنا ما يخفاش على حد ..

زى اللى بيجى لاسرائيل ما يخفاش علينا . اللى بيجى لنا  
ما يخفاش كمان على اسرائيل . تتكلم من موقع القوة . اتفقنا  
على هذا ورجعت فى أواخر ابريل جه ٢٠ مايو . . راح نيكسون  
د . المفروض بيعتوا لى زى ما اتفقوا معايا . قالوا لى نبعت لك  
تسيعة الزيارة . ولكن الاتفاق الاساسى انه فى الخمسة أشهر  
التالية ما نضيعش دقيقة . ويعتوا الامداد اللى كان عبارة عن  
٧ نقط حظيتها لهم هناك .

جه نيكسون بعد أسبوع سافر . . فوجئت بالبيان اللى صدر  
عن الزيارة .

البيان يقول ايه : العمل على الاسترخاء العسكري في المنطقة

أمريكا وروسيا اتفقوا على الاسترخاء العسكري في المنطقة.

الله .. استرخاء وأنا ١٠ - ٢٥ خطوة وراء إسرائيل ؟ طب  
ما هو يبقى الوضع حيمشي من سييء الى أسوأ استرخاء عسكري

وازاى الاتحاد السوفيتى يوافق على كلمة استرخاء عسكري  
.. ده الكلام ده لما يكون أنا وإسرائيل على قدم المساواة فى  
التسليح ، وما أكونش كمان أرضى محتلة .. يقوم يتكلموا  
على استرخاء .. انما استرخاء عسكري وأنا متأخر عشر خطوات  
وراء إسرائيل وأرضى محتلة واسترخاء عسكري . يعنى تفضل  
أرضى محتلة على طول .. أنا فقدت صوابى تماما وكانت دى  
بقى زى ما يقولوا عندنا فى المثل (( القشة التى قصمت ظهر  
البعير )) .. كل اللى فات وحكيته ده كله شىء واللى استحصلته  
فى الحسم وفى غيره وفى ده كله وفى الاسلوب وفى المعاملة وفى  
الطريقة وفى التجاهل .. كله حاجة ودى كانت شىء استرخاء  
عسكري .. قلت أستنى ييجى لى البيان بتاعهم .. جالى البيان  
بعدها بأسبوعين .. الله ده أسبوعين ضاعوا ، ده احنا متفقين  
الخمس أشهر يادوبك لغباية نوفمبر على ماتيجى الحاجة ..  
وأجهز نفسى وأدرب أولادى عليها وأجهز . بعد أسبوعين جانى  
البيان وزى ما اتفقنا أنا وبريجنيف .. مافيش شىء جديد فى  
موقف أمريكا .. وتحليل السوفيت ان موقف أمريكا ما فيهش  
جديد .. وانهم أقنعوا الامريكان بتنفيذ قرار ٢٤٢ .. يا سلام  
.. الاسترخاء العسكري وتنفيذ قرار ٢٤٢ ، جانى السفير

السوفيتي بالرسالة قلت له طيب خذ رسالة مني بقي ، احنا  
متفقين انه في الخمس أشهر اللي جاية مانضيعش يوم .. تبعتولي  
عشان في نوفمبر بعد ما ينتخب الرئيس الامريكى تحس اسرائيل  
وأمریکا ان احنا بتتكلم من موقف القوة .. ان كانوا سلميا  
عايزين يحلوا أهلا وسهلا .. ماكاتش نبقى جاهزين للمعركة  
.. راح السفير السوفيتي وبعث لهم هذا .. وقولوا لي بقي ..  
أنا بحسن نية .. قولوا لي بقه مواعيد المراكب والعتاد امتي  
عشان أجهز نفسي وأجهز الناس وأخلي ميناء اسكندرية عشان  
الخمس أشهر اللي جاين .. راح السفير السوفيتي شهر ، ٣٠  
يوم كاملة .. أسبوعين بعد زيارة نيكسون وآدى شهر يبقى  
شهر ونصف من الخمس أشهر .. بعد شهر كامل جالي بالرد  
.. وزى ما توقعت أنا تماما .. الرد مفهش أى شىء عن البنود  
السبعة اللي اتفقنا عليهم يبعثوهم لي .. ولا عن اتفاقنا اللي  
فيه خمس أشهر وهاييغتولي العتاد .. ولا تواريخ مراكب ..  
ولا أسلحة ولا حاجة أبدا انما كله كلام .. الجواب صفحتين  
ونصف .. صفحتين وربع منه كلام عن جهود الاتحاد السوفيتي  
في اقناع الأمريكان بالحل السلمى .. وازاي انهم مع حقوق  
العرب ولا بد من الانسحاب .. كل الكلام ده .. والموقف ..  
الشىء اللي منتهى التطرف .. الله .. طيب وانا جاني ايه من  
الكلام ده أنا عايز تواريخ المراكب .. والأسلحة والخمس أشهر،  
والاتفاق اللي احنا متفقين عليه .. والتحليل اللي حللناه سوا  
.. ولا حياة لمن تنادى .. صفحتين وربع كده .. وخمس أسطر  
آخر الجواب .. أما بشأن المعركة فدى مسألة احنا لنا خبرة  
كبيرة جدا فيها ، ودخلنا المعارك والتجهيز لها والاعداد لها أمر

خطر جدا وأى شيء مما يستفاد منه أنه لا هتقدروا تعملوا  
معركة ولا حاجة في خمس أشهر • ولا ذكر لا المراكب ولا خمس  
أشهر ولا اتفاق •• ولا أسلحة •• ولا •• ولا ••

في هذا الاجتماع اللي كان في ٨ يوليو اتخذت قراراتي اللي  
انتم عارفينها •• بعد ما قرأ لي الجواب •• وقعدت الصفحتين  
وربع باسمع وبعدين الخمس أسطر الأخيرة اللي الكلام عن  
خطورة المعركة •• وان هو يفهم في المعركة •• وان احنا ما معناه  
ان احنا ما نفهمش فيها •• وان ده موضوع يعنى خطر جدا و ••  
و •• و •• بعد ما خلصوا الخمس اسطر •• قلت له •• وسكت  
•• قلت له الله !! •• ده الجواب •• قال لي آه •• قلت له طيب  
فين الباقي •• فين الكلام عن الاتفاق اللي بيني وبين بريجنيف ••  
فين الاسلحة •• فين اللي اتفقنا عليه •• قال ده هو الجواب بس ••  
قلت له طيب خذ قراراتي بقى بلغها للقيادة السوفيتية •• أنا بأرفض  
هذا الخطاب شكلا وموضوعا •• وبأرفض التعامل واسلوبكم  
معايا اللي حذرتكم في فبراير منه شكلا وموضوعا •• وبأرفض  
هذا الاسلوب ••

واسمع القرارات دي •• الخبراء السوفيت بتوعكم بعد  
أسبوع يروحوا •• منشآت تتسلم للمصريين أو فوكوها وخذوها  
•• أى شيء هنا موجود ياتبعوه لنا •• يا تسحبوه وتأخذوه ••  
وميش عايز خبراء سوفيت •• والكلام ده كله في بحر أسبوع  
يتنفذ وحددت التاريخ •• وزير الحرية بكره حياخذ خبر بهذا  
•• واعملوا حسابكم •• ده أنا في سنة ٧٢ لسه من الخمس سنين  
العجاف •• الراجل ما صدقش في الاول •• قلت له دي رسالة



رسمى تبليغها .. وكان قاعد معايا مستشار الامن القومى بتاعى  
حافظ اسماعيل قلت له سجل كل حاجة قدامه .. وفعلا تانى يوم  
باعت وزير الحرية ..

وفى الاسبوع كان ... هم جاولوا بقى فى وسط الاسبوع  
يلموا .. كانوا فاكرينها تهويشة .. فحاولوا يحلوا .. بعثت لهم  
رئيس الوزراء عزيز صدقى .. برضه قبل انتهاء الفترة اللى هى  
اسبوع .. برضه حرصا عليهم وعلى الصداقة السوفيتية .. قلت  
له روح لهم وقل لهم قراراتى نهائية انما ممكن نطلع بيان سوا  
تقول فيه ان الحكومتين اتفقوا ان مفيش داعى لوجود الخبراء  
أدوا مهمتهم ومخلص ومصر بتشكرهم على ما أدوه .. يقوم  
بغطى الوضع بتاع الاتحاد السوفيتى أمام العالم وكل حاجة ..  
أنا خريص عليهم .. وراح لهم عزيز صدقى وهو رئيس وزارة  
وقال لهم هذا الكلام .. قبل انتهاء المدة يومين .. رفضوا وقالوا  
.. لا .. ما نعملش بيان مشترك طلعه من جانب واحد ..

كل ده للتاريخ بأقول لكم علشان تحفظوا تاريخ القضية كلها  
.. رجع لى عزيز يوم الاثنين خلص تنفيذ القرار .. يوم الثلاثاء  
جيت للجنة المركزية هنا .. برضه مؤتمر مشترك بين اللجنة المركزية  
ومجلس الشعب وأعلنت فيه الكلام ده كله .. وأعلنت أنه فعلا  
تم تنفيذ القرارات .. وفعلا كان تم تنفيذ القرارات .. بهذا بقى  
دخلنا فى مرحلة جديدة فى علاقتنا مع الاتحاد السوفيتى .. فى  
هذا اليوم بالذات .. تانى يوم أنا عملت هذه القرارات مع السفير  
السوفيتى يوم ٨ يوليو ، يوم ٩ يوليو كان عندى هنا الرئيس  
حافظ الأسد راجع من موسكو .. القرارات ما كانش حد يعرف

عنها حاجة الا بعد ما اتنفذت في نهاية الاسبوع ، لما جاني حافظ  
الاسد تانى يوم ، يوم ٩ من موسكو ، حكيت له ، وقلت له القصة  
حصل كذا وكذا بينى وبين السوفيت وأنا أصدرت القرارات التالية  
وحاتنفذ يوم الاثنين المقبل ..

قال لى .. طيب وايه الموقف دلوقتى بالنسبة لنا ؟ قلت له :  
انت جيت سلاح منهم ؟ قال لى : آه .. قلت له .. خلاص ..  
خلى علاقتك بيهم .. ما فيهاش حاجة .. سافر الرئيس حافظ  
الاسد .. أعلنت زى ما قلت لكم بعد اللجنة المركزية هنا .. قامت  
قيامه السوفيت في العالم .. بعد ما رفضوا انه يطلع بيان مشترك  
عشان نغطى ونشكر فيه الخدمة والخبرة السوفيتية تمام ..  
رفضوا .. طلعت العملية في العالم .. هاج .. اتقلب العالم ..

البعض هنا كتب وقال انه كان حقى أنا اتصلت بأمريكا علشان  
آخذ ثمن هذه العملية ، أنا باحب أقول رأيى بانتهاز الفرصة دى  
وأقول لكم اذا كان البعض يفتكر أو الشئ العام اللى في العالم  
ان السياسة ليس لها أخلاق .. أنا بالنسبة لى .. الاخلاق  
لا تتجزأ .. كان يبقى عمل أنا باعتقد أنه لا أخلاقى لو أنا جيت ،  
أصدقائى السوفيت طعتهم في ظهرهم ورحت اتفقت مع  
الامريكان على دى .. لا وقلت حايعرفوا .. هم طبعا في الاول  
قطعوا ١٠٠٪ ان أنا متفق مع الامريكان عليهم ..

وقلت حايعرفوا دلوقتى .. وحايعرفوا بيتعاملوا مع مين ..  
أنا عندي الاخلاق لا تتجزأ .. ولا أطعنش في صديق أنا أديله  
صدمة كهربائية صحيح ، لكن ما أطعنوش وأقول له .. اصحى



.. فوق معايا .. لكن ما أظعنوش أبدا لانه وقف معايا في ساعة  
الشدة ..

ثبت لهم بعد ذلك بثمانية أشهر وعقدوا معنا صفقة أسلحة بعد  
ذلك بثمانية أشهر بعد ما اتأكدوا انه لم يكن أبدا هذا العمل طمنة  
في ظهريهم أو عمل لا أخلاقي وأنا .. سواء في السياسة أو غير  
السياسة .. بأحب انكم تبقوا عارفين .. أنا باقول الاخلاق  
وحدة لا تتجزأ في السياسة أو غير السياسة ، مسألة الخلق  
لا تتجزأ .. أبدا .. مهما كان فيها من شطارة لانه في النهاية  
لا يصح الا الصحيح .. واللى يكسب هي الاخلاق .

طلعت القرارات .. قامت القطيعة بيننا وبين الاتحاد السوفيتي،  
قطيعة .. كاملة .. معنا بعدها .. أدت تعليمات انه القوات

المسلحة بما عندنا من أسلحة في أغسطس ٧٢ ، بما عندنا من  
أسلحة تكون جاهزة في نوفمبر .. وندهت أمين الاتحاد  
الاشتراكي وكان أيامها الاخ سيد مرعى وقلت له انه في نوفمبر  
لازم نكون جاهزين للتحرك .. وندهت ممدوح سالم .. كان  
ماسك المقاومة الشعبية الى جانب عمله كنائب رئيس وزارة ووزير  
داخلية وقلت له يا ممدوح .. على نوفمبر الجاي نكون جاهزين  
بما لدينا من عمليات في الدفاع الشعبي .. لانه هو كان ماسك  
الدفاع الشعبي كله وفي ٧٣ كان ماسكه أيضا .. وندهت حافظ  
اسماعيل مستشار الامن القومي وقلت له : تروح تجهز نفسك  
.. الامريكان لا بد حايصلوا بينا .. لان القرار قد كده خطير  
.. حايصلوروا انهم يعني .. حايصلورا يمكن ان احنا في سبيلنا  
لشيء ، حايحاولوا يستكشفوا معانا فجهز نفسك بالبدايل عاشان  
تشف ايه اللي يمكن ان احنا نعمله بعد انتخابات الرئيس  
الامريكي لان دية سنة انتخابات وموش حايعملوا معانا حاجة  
الامريكان ، وفعلا .. ما مرش اسبوعين الا لما كان كيسنجر باعت  
ويقول عايز يقابل جد من عندنا يتكلم وياه . بعد القرارات  
بحوالي ثلاثة أو أربعة أسابيع .

□ جاء أكتوبر.. اليساريون حاولوا مظاهرات في الجامعة  
اشتدت الفتنة الطائفية.. كثير من أقلام الصحافة  
سلبية أو تزكي ما يجري بلاد مسئولية.

□ تولهم البعض أن مصر انتهت.. وأن طرد الخبر السوفيت  
معناه أننا لن ندخل معركة.

□ بعض الصحفيين اليساريين كان يمتد المراسلين لأهانب  
بهذه الصورة المسحومة.

□ جمعت المجلس الأعلى للقوات المسلحة في أكتوبر وكشفت  
أن وزير الحربية لم ينفذ تعليمات الاستعداد للمعركة!  
وأنه لم يبلغ القيادات العسكرية بأي شيء!

□ حتى الخطة الدفاعية.. ٢٠ أصابها الخلل، وتفوق علينا  
العدو في حماية خطوطه.. وأصبحت جبهتنا مكشوفة تماما.

□ عزلت وزير الحربية.. وفي يوم ٢٠ نوفمبر أبلغني المرحوم  
أحمد اسماعيل «تمام الخطة الدفاعية كاملة»..  
وبدأنا التطوير للهجوم.

□ صحيفة من صحفنا للأسف - بأسلوب مراكز القوى -  
تجنت وأطلقت الإشاعات !

□ كنت أريد منهم أن يعاصروا الناس الصمود ..  
وألا يكونوا سما في بلدهم .

□ دخلنا على عام ٧٣ بدأ أحمد اسماعيل يضع الرئيل  
الأساسي لأخوة الرجومية .

□ قال كليس نجر لحافظ اسماعيل .. يجب أن تكون طلباتكم  
معقولة ، وفي حدود الحقيقة القائمة .. وهي  
أنكم لن تستطيعوا الحركة .

□ عاد أحمد اسماعيل من موسكو بصفقة سلاح ..  
بعد أن تأكد السوفييت أننا لا نطعن من الظاهر

□ طالبت من السوفييت حضور اندرووف وزير الأمن القومي  
السوفييتي ولم يردوا . وفي ٥ يونيو طلب السوفييت  
أن يزور بودهور في مصر .. فقلت لهم آسف ، لأنه  
هاجم العرب والقوات المسلحة في تصريحات له .



□□ وعدى الصيف والمواصلات مقطوعة بالكامل .. وكل شيء مقطوع بينى وبين الاتحاد السوفيتى .. جينا على الجامعة .. جينا على دخول المدارس .. برضه بعض اخوانا اليساريين برضه على الاسلوب اياه .. طلّعوا وعملوا الخبطة فى الجامعة .. فى هذا الوقت قامت الفتنة الطائفية — كانت من الصيف — خدت حموتها فى اكتوبر ونوفمبر ٧٢ ، فتنة طائفية .. طلبة .. يكتب بقى عن مصر .. الصحافة عندنا للأسف .. يا اما سلبية يا اما من تحت لتحت بتزكى هذا كله .. بلا مسئولية اطلاقا ..

بل انه توهم البعض ان الوضع انتهى خلاص والصورة راحت، وكل الكلام اللى بقى يطلع من المراسلين الاجانب ان مصر اتتهت .. فتنة طائفية وحركات الجامعة، وقرارات الخبراء الروس، وطرد الخبراء الروس .. ده معناه أن السادات مش داخل معركة خالص والعملية سيئة .. صورة مصر فى أوائل خريف ٧٢ الى ما بعد ذلك كانت صورة كئيبة جدا واحنا ، ومن صحفيينا المصريين اللى كانوا

بيدوا للمراسلين الاجانب هذه البيانات وكتاباتهم كانت سم في  
صحفنا . وفوجئت في رمضان ٧٢ ، كنافي اكتوبر ، فوجئت لما جمعت  
المجلس الاعلى للقوات المسلحة .. أنا لما قدمت لوزير الحرية  
في أغسطس - زى ما قلت لكم - وقلت له يروح يبلغ المجلس  
الاعلى للقوات المسلحة ويجهز القوات لنوفمبر .. وجمع لى بعدها  
بيومين وقال لى جمعت المجلس .. كذا .. واحنا جاهزين في  
أول نوفمبر .. قلت له : لا .. معاك لخمسناشر .. مش أول  
.. جمعت المجلس الاعلى في اكتوبر .. في أواخر اكتوبر علشان  
أنا .. مفروض انهم جاهزين في أول نوفمبر .. يتضح لى أن  
وزير الحرية لم يبلغ المجلس الاعلى للقوات المسلحة .. مدير  
الامداد والتموين في المجلس الاعلى .. اللى ايه .. اللى حيوصل  
البنزين للدبابات .. والمية للقوات .. والاكل .. اللى بيخدم  
المعركة كلها .. رفع ايده .. يقولى قرارات ايه يا قنديم اللى انت  
بعتها لينا في أغسطس .. أنا باقول لهم أنا بعث لكم قرارات في  
أغسطس ان شاء الله تكونوا جاهزين .. رفع ايده وقال لى :  
قرارات ايه .. قلت اد .. وزير الحرية ما بلغكوش ؟ .. قال  
لى - لا - ميل على وزير الحرية وقتها ..

وقال لى : أنا ما جيتش ابلاغ - أنا عايز السرية كله .. سرية !!  
على المجلس الاعلى للقوات المسلحة .. ده المجلس الاعلى هو  
اللى بيحط الخطة - كله - ده اللى يقول لى ده .. هو اللى  
حيوصل البنزين والمية والاكل ويعمل الشئون الادارية بتباعد  
القوات المسلحة كلها .. اللى هي اخطر من القتال كمان ..



طلعت غلط .. عزلته .. زادت الحماسة في مصر .. الوزراء  
يتعزلوا وبقرارات ..

أنا يا حكي لكم .. أصلي بأنفس عن المعساة بتاعت خمس  
سنين .. القرارات بتطلع عشوائية .. مش قادر أقول لهم أنا ..  
اننى أنا مدى خبر .. مش قادر أعلن ان وزير الحرية اللي قلت  
له .. راح ماحممش .. ويالى قال لي خطأ وتعند انه جمع وانه  
جاهز بل اتضح لي ما هو أخطر أنه ونحن في أواخر أكتوبر ٧٢ ..  
الخطة الدفاعية اللي مسلمها لي عبد الناصر زي ما قرأتم ومسلمها  
لي قبل ما يموت ، وكأنه عارف انه حيموت ، الخطة الدفاعية اللي  
كان دايم فوزى محافظ عليها ان احنا دائماً في موقف دفاعي  
أحسن من اسرائيل علشان نبقى في وضع سليم باستمرار ..  
الخطة الدفاعية منهارة لان اليهود علوا الساتر قدامنا ١٧ مترا ،  
واحنا قواتنا ما عملتش أي مجهود .. النتيجة ان أولادنا قاعدين  
على ٣ متر قدام ١٧ .. بقى طلع فيهم ان ورا الساتر ده معدات  
اليكترونية .. ومش عارف ايه — وطلع حاجات .. خزعات  
كتبها الصحف ، واشاعات والحرب النفسية التي بتطلعها اليهود ..  
في المجلس الاعلى قائد الجيش الثالث ، وقائد الجيش الثاني ..  
باسألهم حال جيوشهم ايه ؟ .. قالوا احنا مكشوفين .. الخطة  
الدفاعية مكشوفة .. كان فوزى وهو قائد عام .. الخطة  
الدفاعية كل اليهود ما يعلو الساتر نصف متر — يعلى هو متر  
علشان نبقى في الوضع السليم وكاشفينهم دايم .. ده سبناهم ..  
الوزير الثانى سابهم لما ارتفع ١٧ متر واحنا قاعدين تحت ..  
ماحدث عارف .. ويحكموا تحركاتنا ، لو عملنا أي حاجة ..

قائد الجيش الثالث قال لى : أى جد عندى باين .. حيان  
مكشوف .. قبل ما عمله حيكونوا شايقين كل حاجة ..  
وحاكين من ١٧ متر واحنا تلاته متر تحتهم .. سألت قائد الجيش  
الثانى نفس الشيء .. أقلت وزير الحرية .. طلعت الاشاعات  
برضه القرارات بتؤخذ عشوائية .. مش قادر أقول لهم ..  
أحكى وأقول ان الخطة الدفاعية فى أواخر اكتوبر ونوفمبر كانت  
مكشوفة وان اسرائيل كانت تستطيع تخش الضفة الغربية عندى  
.. تعمل ما تشاء وتطلع .. أحكى ده .. ما كاش يتحكى طبعا

وصحيفة من صحفنا للأسف برضه جريا على أسلوب مراكز  
القوى تبنت المسائل دى ، وطلعت منها الاشاعات ، والقرارات  
عشوائية، وادى فتنة طائفية، وادى حال الجامعات، وادى الخبراء  
الروس طلعوا .. مافيش حرب ، والحالة .. والحالة .. للأسف  
.. ولم يتصد واحد من الصحافة أبدا للصمود - لمجرد الصمود  
أنا مش عايز منهم يداقعوا عن حاجة ، ومش طالب منهم يعملوا  
حاجة أكثر من أن يعلموا الناس يصمدوا .. ما يقوش سم على  
بلدهم .. زادت الحالة فى الخارج .. لو تقرأوا صحف العالم عنا  
فى اكتوبر ونوفمبر وديسمبر ويناير وفبراير .. ديسمبر ٧٢ ،  
يناير وفبراير ٧٣ .. اللى يقرأها يقول : مصر انتهت وراحت ..  
وزى ما قلت صحفيين من عندنا اللى كانوا ييغذوا هذا .. وأنا  
باقول لقد ذاتى النهارده علشان ما ترجعوش له تانى لأنى لن أسمع  
بهذا تانى .. ولم أسمع لاحد لا فى الصحافة ، ولا غير الصحافة  
يعمل مراكز قوى ، يعمل اشاعات .. أو يعمل كلام من ده ..  
سبت كل حاجة سبت الفتنة الطائفية ماثية .. سبت طلبية

الجامعات يهروا ، ويعملوا مظاهرات ومجالات حائط وشتائم ،  
وتصفوية وانهازامية .. وقالوا ما قال مالك في الخمر سبت كله .

وعينت اسماعيل الله يرحمه .. قلت له : يا اسماعيل وقف الخطة  
الدفاعية الاول ، وبعدين حاتكلم وياك في الباقي .. فضلت من  
أواخر اكتوبر لما اتعين اسماعيل الى آخر نوفمبر ، على ما رفع  
الساعة اسماعيل ، وادانى تليفون وقال لى : تمام الخطة الدفاعية  
٢٠٠ جاهزة وخطتنا كاملة ، صرف ٢٠ مليون جنيه خداهم مش بس  
في اكتوبر ونوفمبر .. لآ ده امتد صرفهم لغاية يناير وفبراير لانه  
عمل بيهم تجهيزات الهجوم .. انما بالجزء الاول من العشرين  
مليون جنيه في اكتوبر ونوفمبر اكمل الخطة الدفاعية وأيامها طلوعوا  
اليهود وقالوا المصريين غاوين بناء اهرامات .. وهو جه تفاذى  
العملية اسماعيل الله يرحمه بانه جه أمام كل نقطة قوية وراح عامل  
فعلا هرم من التراب وسلحه من فوق بمواقع بحيث سينا بقيت  
بدل ما كان ١٧ متر الحواجز واحنا تحت .. احنا بقينا فوق وهما  
تحت وسينا قدامنا مكشوفة بالكامل .

يوم ٢٠ نوفمبر كلمنى اسماعيل وقال لى تمام يا افندم الخطة  
الدفاعية كاملة .. قلت طيب أبتيدي أتكلم بقى في البلد .. الفتنة  
الطائفية حلتها .. دور في الازهر ودور في البطريك وانتهت ..

خطبت في مجلس الشعب في ديسمبر وقلت لن أسمع ابتداء من  
هذه اللحظة بهذا التسبب .. وفي نفس الوقت .. من بعد  
ما خطبت بالليل حتى الفجر كان جميع العناصر اللي بتشير مقبوض  
عليها ومتقدمة للثيابة . طلعت نفس الصحيفة برضه والمجمع اللي

فيها وقالوا انه .. الله طيب ده خطب وقال انه .. أنا فعلا في  
خطبتى قلت أنا حمالج الحرية بمزيد من الحرية لكن لا أسترح  
بالتسبب .. قالوا اراى بمزيد من الحرية وبقى فيه قبض  
ع الطلبة و .. و .. و .. الطلبة طبعاً شافين قدامهم .. وباقول  
الطلبة هنا ما بقولش القاعدة الطلابية العريضة .. أبدا .. ده أنا  
باتكلم عن عناصر محدودة ..

دخلنا على ٧٣ بدأ احمد اسماعيل الله يرحمه يحط الهيكل  
الاساسى للخطة .. فبراير ٧٣ سافر احمد اسماعيل للاتحاد  
السوفيتى وسافر حافظ اسماعيل للقضاء كيسنجر لأول مرة ..  
يعنى منذ قرار الخبراء في ٨ يوليو بعدها بثلاثة أسابيع اتصلوا بينا  
الامريكان .. ماحصلش الاتصال الاول بيننا وبين كيسنجر الا في  
فبراير ٧٣ وأعلن عنه .. طلباتكم معقولة تقدر نعمل لكم حاجة  
في حدود المعقول وفي حدود الحقيقة القائمة وهى انكم مش  
حتقدروا تتحركوا ونصيحى لكم ما تتحركوش لانه حبقى ضربة  
خطيرة عليكم وتنتهى .. ما عجبنيش الكلام لما رجع حافظ  
اسماعيل .. قمت بعثت .. كان بقى زى ما قلت لكم احمد  
اسماعيل في موسكو رسمى ومعلن، وحافظ اسماعيل في باريس  
رسمى ومعلن يقابل كيسنجر .. رجع لى احمد اسماعيل من  
موسكو بصفقة سلاح بعد ما اطمأنوا وكان ٨ أشهر فاتوا بقى على  
قرارات الخبراء الروس واثأكدوا ان احنا ما عملناهاش طعنة في  
ضهرهم مع الامريكان أو لا اخلاقية .. وعملوا معاه صفقة ..

ولاول مرة في تاريخهم بدأوا يوردوها .. يوردوا أجزاء منها  
سرعة اثباتا لحسن النية .. في نفس الوقت جاني حافظ اسماعيل

زى ما قلت لكم وبكلام كيسنجر .. قلت له الكلام ده مش عاجبنى أبدا .. يعنى معنى ده ونصيحة كمان ما تتحركش عنهاها ان احنا تقبل وضع الهزيمة خلاص .. يا سفير يا سوفيتى .. ندهت له عندى .. تبعت لموسكو وقول لهم انه حصل اتصال بيننا وبين أمريكا ورجع لى حافظ اسماعيل وأنا أحب انه يبعثوا لى وزير الامن القومى عندهم أندروبوف ،

وده كان صديق شخصى لاحمد اسماعيل الله يرحمه . اسماعيل لما رجع بعد عقد الصفقة قال لى أندروبوف وزير الامن القومى راجل كويس ومتفاهم وبيقول أى مصاعب تطلع فى العلاقات ادونى خبر وأنا مستعد آجى ونزيل هذه المصاعب وكذا وكذا . وما نرجعش تانى لعملية زى بتاعة الخبراء . شكلها أضر بالعلاقات بيننا وبين بعض . لكن خلاص ما نرجعش للحاجات ده .. اديكوا أخذتم الصفقة أهه . واحنا ما بنطالبش بشئ أبدا .. أكثر من انه اذا حصل حاجة مستقبلا يعنى تتلاقها قبل ما تقع .

فبعث .. بنساء على كلام أحمد اسماعيل ندهت السفير السوفيتى .. رسالة رسمية للقادة السوفيت ابعتوا لى أندروبوف وزير الامن القومى بتاعكم علشان أتكلم معاه على مقابلة حافظ اسماعيل لكيسنجر لان الكلام ما عجبنيش بتاع كيسنجر أبدا . وكنت عايز أقول لهم آدى أهه .. آدى الواقع . من غير ما تثبت .. كلام كيسنجر ملخصه بسيط . من غير ما تثبتوا انكم بنى آدم وتعاربوا ما تطلبوش تغيير الوضع وحافظوا فى اللي اتم فيه .. هو كده ..

وده الواقع .. وده اللى ماشى بيه العالم .. وتطلبوا منا ليه  
حاجة غير الواقع ! وغير الواقع ما نقدرش نعمل لكم حاجة .

دخل مارس وابريل جت لى أجزاء من الصفقة اللى عملها  
اسماعيل . قلت الحمد لله .. المشير اسماعيل الله يرحمه ماشى فى  
الخطه ويعرضها على فى مارس كانت متتية بالكامل ..

الوضع العربى كنت باشتغل فيه بالكامل قبلها بسنة . الوضع  
الافريقى قررت اسافر مؤتمر الوحدة الافريقية فى مايو .  
وسافرت . ولاول مرة تأخذ قرار رائع . الوضع العالمى قلت لازم  
نروح مجلس الامن وتأخذ قرار .

حصل العدوان على الثلاثة القادة الفلسطينيين فى بيروت واللى  
موتوهم هناك . وبعثت للرئيس فرنجية وقلت له أرجوك أطلب  
عقد مجلس الامن، الراجل استجاب . عقدنا مجلس الامن علشان  
يشوف عملية الثلاثة دول ، خليت الدكتور الزيات اتقدم فجأة  
بعرض القضية بتاعتنا علشان ناخذ قرار وأخذنا فعلا قرار فى  
يوليو بأربعة عشر صوتا ضد صوت واحد هو صوت أمريكا .

فكريا جهزت للمعركة .

افريقيا جهزت للمعركة .

عالميا .. دوليا فى مجلس الامن جهزت بقرار ١٤ من ١٥ .

عدم الانحياز كان جاي فى سبتمبر وفعلا رحته كان قبل المعركة  
وجهزت للمعركة .

ده تجهيز كامل فى الداخل هنا • اسماعيل من مارس الله يرحمه  
كانت الخطة كاملة بالكامل وبدأ التدريب الشاق لكل وحداتنا  
على كل المهام القتالية بتاعتها •

قعدت مستنى ييجى لى اندروبوف • أسبوع • أسبوعين •  
ثلاثة • أربعة • خمسة • ولا حتى السفير السوفيتى جه وقال  
انه احنا مثلا الراجل تعبان • أو عيان أو فيه حاجة • بعثت  
ندهت السفير السوفيتى بعد شهر وشوية قلت له تعالى • ده  
الطلب ده عاجل وقايل لك انه عاجل • وده موضوع بيحصل  
وضع اتم حلفاؤنا وأصدقاءنا • عايز أقول لكم عليه عايز أقول  
لكم احساسى ايه ، وتتفاهم ونواجه الموقف ده ازاي حاضر ابعت  
• راح • مافيه ولا مجيب • شهرين • رحت ناده له بعد  
الشهرين • قلت له ماجالكش حاجة عن أندروبوف هاييجى قال  
لى لا والله ماجاش • قلت له طيب الغى • ابعت للقادة السوفيت  
وقول لهم أنا بلغى هذا الطلب • وأنا نسيت نفسى • ليه •  
لانى بأكلم دولة عظمى • وباقول ابعتوا لى حد • أنا فاهم انى  
باكلم أصدقاء بأه اتم لو بعثوا لى وقولتوا لى ابعت أى انسان  
• ده اتم • أربع مرات أروح أزورككم فى الاتحاد السوفيتى  
فى أقل من سنة • وأنا بآبعت وفاهم ان أنا صديق • وانكم  
حلفاء • لأن • أنا نسيت نفسى يظهر ونسيت انكم دولة كبرى  
• وأتم كدولة كبرى آه • أنا آسف • ابعت للقادة السوفيت  
قول لهم الغوا الطلب مش عايز حاجة • جينا • يونيو • كل ده  
ماشى خطة خلاص • التدريب ماشى •

رحت حضرت في القيادة العامة .. تخته الرمل .. ميدان  
المركة في تخته رمل قد عرض الترايزة دي كده والطول ييجي  
عشره متر .. محطوط عليها كل شيء .. في سيناء اللي هايخسوا  
عليها قواتنا حسب الاصول العسكرية .. وقام القادة كل واحد  
شرح لي المهمة بتاعته .. وهايتقدم منين ويطلع فين .. وكذا كل  
هاجة ماشية على أحسن ما في العلم العسكري وأحدث ما في العلم  
العسكري ..

يوم ٥ يونيو .. زى عادتي طلعت أمر على القوات المسلحة ..  
الجماعة لما اسماعيل عقد الصفقة معاهم في فبراير خدوا فبراير  
ومارس .. بعثوا في مارس وابريل .. بعثوا جزء واحتجزوا الجزء  
الباقى على ايه ، وما يروح بريجنيف يزور أمريكا في مايو لان  
كان المرة دي بريجنيف هو اللي رايح الولايات المتحدة .. حجزوا  
جزء على التقليد اياه ، حجزوا وأنا عارف انه مافيش فايدة الا بعد  
الزيارة سكت .. يوم ٥ يونيو .. طلعت أمر على القوات المسلحة  
زى عادتي كل سنة كنت في ٥ يونيو بأمر على القوات المسلحة وعلى  
الجبهة وعلى الخط .. وكانت الحقيقة ٥ يونيو ٧٣ دي فرصة  
عشان أدى الاوامر النهائية للقادة .. لان الخطة زى ما قلت لكم  
اكتملت نهائيا .. تماما وصدقت عليها لاسماعيل .. يوم ٥ يونيو  
وأنا في مطار القطامية .. أول الرحلة بتاعتي وأنا طالع .. جامع  
الطيارين وقاعدين في ملجأ من بتاع الطياران وبأكلم الطيارين  
على الموقف وباشرح لهم وبأدريهم يعني .. توجيه من بعيد عشان  
يكونوا جاهزين .. لكن القادة كنت باتكلم معاهم بوضوح





كامل .. وعشان ما تتبرش حاجة وشرحت لهم الموقف السياسى  
والموقف العسكرية .. وكذا .. وكذا .. وكذا .. وأشعرتهم  
ان احثا هاتحرك السنة دى .. أنا قاعد فى مطار القطامية بالتكلم  
معاهم .. والا بيحى تليفون مستعجل فأنا كان أثناء الحديث  
بتاعى مع الطيارين قلت للمشير اسماعيل قلت له رد على التليفون  
وشوف ايه .. جولى قالوا لى أنت مطلوب .. كملت أنا مع  
الطيارين وقلت له شوف ايه .. قال السفير السوفيتى عنده رسالة  
عاجلة عايز يبلغها لك .. قلت له خذها منه .. كلمه وخذها منه  
.. لان أنا ها أكمل مع الطيارين وها اطلع أكمل على الخط ..  
خذ الرسالة منه ولما ترجع .. الدنيا ما راحتش يعنى ..

راح اسماعيل الله يرحمه أخذ منه الرسالة \*

الرسالة .. قال له والله أنا كنت عايز الميعاد عاجل جدا ليه ..  
لأن الاتحاد السوفيتي قرر انه بيعت رئيس الاتحاد السوفيتي  
بوجدورنى للزيارة هنا .. ويعنى خبر عظيم جدا وشئ يعنى مهم  
جدا خطير .. لان دى بادرة كبيرة جدا من الاتحاد السوفيتي  
ناحيتمكم .. وايه رأيكم فى ١١ يونية .. ييجى يزوركم .. جالى  
اسماعيل .. خلصت مع الطيارين طلعتنا فى السكة .. قال لى  
الرسالة هى كيت .. وكيت .. وكيت ..

بوجدورنى قبل كده صرح وهو فى زيارة لتركيا .. هاجم العرب  
والقوات المسلحة العربية .. وطلع الكلام فى مجلة امريكية  
وما تفاهش الاتحاد السوفيتي .. ويتكلم عنا بأسوأ ما يكون  
الكلام .. وده اللى كان جالى عقد معايا المعاهدة .. وكلامه اللى  
قاله لى أربعة أيام ما حصلش .. بل حصل السلسلة اللى جرت  
وسمعتوها دى كلها .. قلت لاسماعيل رد عليهم وقول لهم ..  
أنا آسف احنا مشغولين فى الفترة دى .. كملت الرحلة بتاعتى  
ورجعت .. ضافها دى الاتحاد السوفيتي ، ضافها على المتاعب ..  
جينا فى صيف ٧٣ خلاص بنجهز .. زى ماقلت أنا قبل كده ..  
سافرت للسعودية ولقطر وانتهيت فى سوريا فى بلودان وحددنا  
يوم ٦ أكتوبر أنا والرئيس حافظ ..

ورجعت هنا .. جه مؤتمر عدم الانحياز فى سبتمبر سافرت له  
وهيأت الجو كله .. فبقى الجو للمعركة عرييا وافريقيا ودوليا  
وعدم انحياز الكل جاهز ومعانا ويؤيدنا بقرارات فى غاية القوة ..

□ في أغسطس .. اجتمعت بالرئيس حافظ الأسد في بلودان  
واتفقنا على تأريخ المعركة .. ولحق ٦ أكتوبر .

□ عفوية عن الطلبة ، وأعدت الصحفيين .. لأن كل شيء  
أعد للمعركة ، وتصوير البعض أنني أتفرق ..  
وأعمل مصالحة وطنية .

□ وها هو ٦ أكتوبر .. وفوجئ العالم كله .. ونسف أولادنا  
الأسطورة التي فزعت العالم ٢٥ سنة .

□ الذين يهاجمون صرايلا .. لم يردوا على سؤال  
هل صحيح أن سوريا طلبت وقف النار ٣ مرات  
في اليوم التالي للمعركة ؟

□ الزعماء السوفييت أطلعوا وزير خارجية مصر على نصوص  
طلبات سوريا بوقف النار .

□ عندما قبلنا وقف النار في ٩ أكتوبر .. كنا بين نارين  
كنا نحارب أمريكا وإسرائيل أمامنا .. وكان السوفييت  
وراءنا يطمعون ظهروا .

□ سوريا بدأت المعركة وراى كل مدفع منه ٨ الى ١١ غط  
ذخيرة .. ومصر بدأت وراى بعضه مدافعنا غط  
ونصف غط ذخيرة .. وغطات فقط !

□ الاتحاد السوفييتى عاتب عبدالناصر ولم يرسل لنا  
ذخيرة منه عام ٦٩ إلا في أكتوبر ٧٣ !

□ الاتحاد السوفييتى يريد ضرب مصر بسوريا كما فعل مع  
صدام جدير في سوريا لضرب عبدالناصر .

□ أبلغنى السوفييت رسميا فى مايو ٦٧ أن إسرائيل  
هشت ١١ لوار على حدود سوريا .

□ هذه طريقة الاتحاد السوفييتى عندما ضرب مصر بالمرور  
فى عهد عبدالكريم قاسم .

□ دخلنا المعركة .. كسبنا أرضا .. ولم نتزعزع عن  
بوصة واحدة من الأرض المحررة .



في أغسطس هنا انعقد المجلس الأعلى لأول مرة بتأيع القوات المسلحة المصرية - السورية .. عملنا للقوتين مجلس أعلى ولحد اجتماع في أغسطس هنا علشان يشوف .. وتفاصيل هذا المجلس .. بعدا تفاصيل عسكرية متتالشي .. انما بعدها رحت أنا للرئيس حافظ واتفقنا في بلودان على تاريخ المعركة أنا وهو ٦ أكتوبر .. ورجعنا ..

في ذكرى عبد الناصر في ٢٨ سبتمبر زى النهارده بقي من سنتين في ٧٣ أنا قلت لكم بعد ما قدمت الخطة الدفاعية واطمأنت .. أنا ما كنتش باثام .. لما قالوا لي الخطة الدفاعية مكتسوفة ما كنتش باثام لان اليهود شايفنا أهوه .. يقدرُوا يعملوا أي حاجة في الضفة الغربية ويقدرُوا يتعبونا .. زى ما قلت لكم لما ٣٠ نوفمبر أخذت التتنام ان الخطة الدفاعية تمام رحت على مجلس الشعب في ديسمبر وخطبت والطلبة المشاغبين اللي هم قايمين بالخطة دي مسكناهم .. وحطيناهم قدام النيابة .. في يناير كلمت الصحفيين وقلت لهم كفاية بقي .. نعبثوني ..

وسواتوا سمعة بلدكم أنا مبيهمنيش اللي يتكلم في حاجة .. انما  
ما حشدش يسوى سمعة بلده .. شيلت ١٢٠ صحفى .  
ماوديتهمش بقى على مؤسسات الدواجن زى ما حصل قبل  
كده .. لا وديتهم الاستعلامات ..

وماقطعتش عيشهم .. أنا بس كان عقاب أدبى انه عيب لوا  
نفسكم .. ليه .. لان أنا في معركة .. وفي موقف محتاج لكل  
انسان في البلد يقف معانا .. يقف مع بلده فيه .. مش معايا  
لشخصى .. لا مع بلده .. جيت أنا في ٢٨ سبتمبر ٧٣ قلت  
الصحفيين كلهم يعودوا لجرايدهم .. الطلبة كله سماح .. انتهى  
كل شىء ويعودوا لجامعاتهم .. وان كان فيه أحكام والا حاجة  
.. عفو .. واتمى في هذه القاعة من سنتين .. ووقتها برضه  
حصل الاجتهاد من البعض .. ماهماش عارفين ان المعركة فاضل  
لها أسبوعين أو ثلاثة .. اللي حصل اجتهاد من البعض وقالوا  
أن الرئيس السادات بيتقهر وعاملها بقى دى مصالحة وطنية مع  
الاولاد المشاغبين يعنى .. ومع الناس اللي يكتبوا ضد بلدهم .  
المهم .. جه ٦ اكتوبر .. وفوجىء العالم كله بما وقع في ٧٣  
.. اولادنا مش بس عملوا اتصـار .. مش بس اقتحموا  
القناة .. واقتحموا خط بارليف .. لا .. اولادنا نسفوا  
الاسطورة التى عاش عليها العالم ٢٥ سنة الى ذلك الوقت .. أن  
اسرائيل قوة لا تقهر .. وانها .. وانها .. والغرور الاسرائيلي  
الرهيب .. اولادنا نسفوه نسفا كاملا يوم ٦ اكتوبر وكملاوا في  
بقية الايام .. وقرأتم أتم الاجزاء عن المعركة . وفي اكتوبر  
حيكتب كمان أكثر وأكثر .. سمعوني اتكلمت عن ايقاف اطلاق

النار .. ويرضه هنا علشان الجدل اللي قايم به بعض اخواننا  
في حزب البعث السوري أو من الفلسطينيين .. أو من أى مكان  
آخر .. بأحب أرد عليهم ، انه لما أوقفنا اطلاق النار .. وأنا  
حكيت القصة .. أنا من أول يوم في الحرب يوم ٦ أكتوبر ..  
زى ما حكيت .. الساعة ٨ مساء بعد المعركة بست ساعات جه  
لى السفير السوفيتى وقال سوريا طالبة وقف اطلاق النار من  
قبل المعركة يومين طالباه ٤٨ ساعة بعد بدء المعركة ..  
السؤال ده ما اتردش عليه لغاية النهاردة .. وأنا باسمع  
العالم العربى كله .. ليه .. هل الاتحاد السوفيتى بلغنى هذا  
الكلام كان صح والا كان غلط ؟ .. ما اتردش عليه أبدا من  
الاطراف اللي بتهاجم مصر النهارده .. الاتحاد السوفيتى لما راح  
اسماعيل فهمى بعد ذلك وقابل بريجنيف .. بريجنيف قال له  
اتفضل أدى ٣ طلبات رسمية من سوريا جت لى علشان وقف  
اطلاق النار .. كمان الاتحاد السوفيتى مشهد تيتو .. لانه طلبوا  
تيتو وقالوا له كلم صديقك السادات لانه سوريا طالبة وقف اطلاق  
النار ومصر رافضة .. فالمزايدة علينا فى وقف اطلاق النار مافيش  
داعى للكلام فيها و لانخوض فيها ولا بنقبل المزايدات ولا الكلام  
ده فيها ..

انما اللي عايز أقوله .. انه .. لما أخذت قرارى يوم ١٩ ان  
احنا تقبل وقف اطلاق النار .. الجزء بقى اللي أنا أخفيت  
وماقلتوش .. علشان يسمعوه اخواننا قادة البعث فى سوريا ..  
الجزء اللي أنا أخفيت وماقلتوش ان انا كان قدامى الامريكان  
واليهود .. وامريكا بقوتها وبأسلحتها الجديدة التى لم تستخدم  
ولم تخرج خارج امريكا بعد .. ولسه بيدربوا عليها الجيش.

الامريكى .. جابوها بخبرائها ودخلوا ضدى المعركة بيها .. ده  
أيام الثفرة ..

الجزء الثانى اللى أنا أخفيته ومش راضى أقوله وعمال بس  
أحاول أقفل علشان نحافظ على صداقات ونحافظ على معانى ..  
ونحافظ على أخوة .. الجزء الثانى كان انه زى ما كان أمريكا  
واسرائيل قدامى .. كان فى زهرى الاتحاد السوفيتى ..  
الكوبى اللى جه كان فيه ذخيرة - اللى لابسين قميص  
عبد الناصر النهاردة - كان فيه ذخيرة متأخرة من سنة ٦٩ عاقبوا  
عبد الناصر وما بيعتوها لوش لانه ماسمعش كلامهم ووقف حرب  
الاستنزاف .. قاموا عاقبوه ومارضوش بيعتوها .. ماجاتنيش  
الا فى الكوبى الجوى .

بدأت المعركة .. واسمعوا يا اخوانا فى سوريا . بدأت المعركة  
ووراء المدفعية بتاعتى .. وراء المدفع فيه تعبير عسكرى يقول  
خط ذخيرة واثنين وثلاثة ..

سوريا بدأت المعركة ووراء كل مدفع من ٨ الى ١١ خط ذخيرة  
.. أنا بدأت المعركة ووراء بعض مدافعى خط ونصف خط وخطين  
ذخيرة .. لان الاتحاد السوفيتى من ٦٩ مانع .. ويعاقب  
عبد الناصر اللى يتكلم عليه النهاردة ويمجده ..

عاقب عبد الناصر ومارضاش بيعت له لان عبد الناصر مشى  
حرب الاستنزاف ومارضاش كلامهم ووقف فيقولوا له طيب  
.. مانبعلكش ذخيرة .. من ٦٩ ماجاتش الا فى الكوبى الجاى  
٧٣ ..



أخواننا العسكريين في سوريا يعرفوا الحقيقة دي .. يعرفوا  
أن اسماعيل الله يرحمه .. في اللحظات الحرجة اللي كان عندنا  
نصف خط وخط وراء المدفع بس قبل المعركة مباشرة بعثنا طائرات  
استلقناها من سوريا رسمياً ..

لما نسمع التفاصيل دي كلها والكوبري أبو خنيس ساعات واه ..  
وا .. وا .. وبعدين نعرف ازاي اقتحت القناة .. وخط بارليف  
وده كله لازم نخط أولادنا في القوات المسلحة في عيننا الي  
الأبد ..

بعد قرار الخبراء الروس ابتداء الروس في ٧٢ يدلعوا سوريا  
هو كان عندهم عملية - التاريخ يعيد نفسه - قبل ٦٧ - برضه  
الاتحاد السوفيتي غاوي يضرب الانظمة في بعضها .. الانظمة  
العربية .. احتضنوا صلاح جديد في سوريا وحتى صلاح جديد  
جابههم واستعار منهم كلمة الرفيق .. وبقي الحزب بتاعهم يسمى  
الرفيق ..

وابتدوا يضربوا مصر بسوريا .. أنا كنت في الاتحاد السوفيتي  
يوم أول مايو ٦٧ ، وحضرت الاحتفالات هناك ، وقابلت القادة  
السوفيت ، يومها كانوا يضربوا مصر بسوريا ، ويقولوا بقي  
سوريا هي حزب البعث اللي طالع وهو اللي حايرر الامة العربية  
ويغيظوا عبد الناصر اللي لابسين قميصه النهاردة ، وبلغوني  
رسمي في مايو ٦٧ وأنا هنالك وأنا رئيس مجلس الامة بلغوني  
رسمي أن اسرائيل حاشدة عشر لواءات أو حداشر مانيش فاكر  
.. عشرة أو حداشر على سوريا .. سوريا البطلة المجاهدة  
الوحيدة اللي واقفة في الميدان لوحدها .. طبعا .. سوريا عزيزة

علينا .. لما يتقآن حاشدة .. مانسكتش وقت ما هم ييلفونى ..  
بأبلغه لعبد الناصر هنا ..

ده الكلام ده فى مايو ٦٧ أنا أحد شهوده مانيش عايز أتكلم  
بقى على اللي جرى بعد ذلك لانه أنا - اللجنة بتاعة حسنى ان  
شاء الله - اللي حاتبدأ فى القريب - حاتعلن لكم وحاتبدأ ،  
حتاخذ تحقيق هذا كله .. يومها كانت الحكومة السوفيتية  
مدلعين البعث ويضربوا مصر بسوريا .. على طريقتهم، زى قبل  
كده ما ضربوا مصر بالعراق ، والعراق بمصر .. أيام عبدالكريم  
قاسم ، هم عادتهم كده .. فأيامها كانوا - التاريخ بيعيد نفسه  
تماما - بعد قرارات الخبراء السوفيت .. انهالت الاسلحة على  
سوريا .. انهالت لدرجة انى باقول لكم .. ان ابتدينا المعركة  
ووراء كل مدفع سورى من ٨ - ١١ خط ذخيرة .. أنا ابتديتها  
- باقول - وكان عندى خط ونص خط وثلاثة للمدافع ..  
ودخلت المعركة ، وكسبت أرض وما اتزحزحتش بوصة من كل  
بوصة خدتها فى سيناء ..

نفس العملية يكرروها النهاردة .. عايزين يضربوا مصر  
بسوريا برضه .. وحافظ الاسد بالسادات زى ما كانوا ييضربوا  
صلاح جديد بعبد الناصر .. هى نفس العملية موش جديدة ..  
الاتحاد السوفيتى - أنا قلت لكم - وأنا باخد قرار وقف اطلاق  
النار .. أنا خدته ليه .. لأنه زى ما كانت أمريكا قدامى  
.. كان فى ظهري الاتحاد السوفيتى وخايف منه زى ما أنا خايف  
من الامريكان تماما ..



ودخلت .. ووقفت .. واللى حسبته لقيته .. طلعت من  
المركبة ، ١٤ شهر ماييغتليش قشاية ، ١٤ شهر ، وسوريا تفقد  
دباباتها كلها ومعظم سلاح طيرانها .. يفوز لها جميع دباباتها  
وجميع طائراتها .. قبل وقف اطلاق النار في ٢٢ أكتوبر .. قبل  
وقف اطلاق النار تتعوض الدبابات والطائرات .. أنا - الى هذه  
اللحظة - وادى احنا النهاردة في سبتمبر ٧٥ ، ما جانيش  
استمواض حته سلاح واحدة .. اطلاقا .. اللي جاني في يناير  
الماضي .. من عقود كانت تستحق الاداء في ٧٣ و ٧٤ ، ماجاتش  
حتى في الكوبرى الجوى في ٧٣ ، وماجاتش في ٧٤ ، ومع ذلك  
ما كملوهاش لغاية النهاردة .. بعثوا جزء ، وراحوا واقفين عند  
الجزء الاساسي لغاية تاريخه ..

أنا بأسمع الكلام ده لحزب البعث السوري علشان يعرف .  
أنا مافيش على رجلين الروس زيهم .. أنا هنا من وقت قرار  
الخبراء السوفيت ، واضح انه قرارى هنا فى مصر .. أنا موش  
قلت لهم الكلام ده يس للخبراء لا .. من يوم واحد واثنين  
مارس .. أول زيارة لى فى ٧١ لهم . قلت لهم هذا الكلام وجيت  
هنا قلته للجنة العليا ، قلت لهم أنا لا أقبل قرار فى مصر الا قرار  
مصرى .. قرارى أنا .. وقرار شعبى .. مافيش قرار أجنبى  
أبدا .. زى ما حسبت لقيت .. سبأونى ١٤ شهر .. لولا  
بوعامين .. الله يكرمه .. سافر أثناء المعركة واشترى لنا دبابات

□ تركنا السوقية في الثفرة .. لولا نجدة بومدين  
بـ ١٥٠ دبابة ، وتيتوب ١٤٠ دبابة و ١٠٠ دبابة  
كانت عندنا من ليبيا .. واستردتها الآن .

□ عرف السوقية من الرئيس الأسد موعد المعركة .. فاختفت  
فجأة باخرة سلاح كان مقررا وصولها يوم ٥ أكتوبر  
ولم تظهر الا بعد خمسة أيام .. بعد أن تأكدوا  
من انتصارنا ..

□ نقلنا الفرقة ٢١ إلى الشرو ، بعد أن استسلمت سوريا

□ كنا في معركة .. لم تكن نائمين . في اليوم الرابع تحولت  
مع دبابة إسرائيلية إلى أشلاء . دخلنا أكبر معارك  
دبابات في التاريخ .

□ اتفقت مع كيسنجري على فلك الاشتباك في سوريا  
وتحدد خطه منذ نوفمبر ٧٣ مشاما نفذ تماما ، قبل  
أن يحدث أي فلك اشتباك في مصر في يناير ١٩٧٤ .

□ جاءت مباحثات فك الاشتباك الثاني في مصر.  
وردد البعث السوري كل ما رده عند فك الاشتباك  
الأول .. هل منفرد .. وخرجنا من المعركة .. وكل  
لهذه الأقاويل .

□ ثم فوجئوا أن مصر رفضت !

□ التقيت بعد هذا ، بالرئيس الأسد وعاتبته  
وشرحت له كل شيء .. ومع ذلك .. قامت  
القيام مرة أخرى عندما حدث الانسحاب الثاني !

□ الاتفاق الذي عرض على الملك حسين وأعلنه في مؤتمر  
الرباط هو مجرد مرور بين مستعمرات إسرائيلية .. وليس  
انسحاباً من أرض .. ولا أصدر أن الرئيس الأسد  
هو الذي يقول أن اتفاق سيناء يشبه مشروع الأردن

□ الملك حسين أعلن المشروع المعروف علينا أمامنا جميعاً  
الملك حسين وأنا وبها فظ الأسد وبأسر عرفات .

□ أرى أن تكون هذه الأقوال منسوبة إلى الرئيس الأسد  
لأنني أعرف أن الأسد رجل صادق .



■ ■ ما كانش بيعتوا لى .. لكن الدبابات اللي تجسدتنى بسرعة  
علشان الثغرة .. أبو مدين بـ ٢٥٠ دبابة ، تيتو بـ ١٤٠ دبابة  
.. آدى ٣٠٠ تقريبا و ١٠٠ كانت ليبييا خدناها منها  
كانت عندنا .. خدناها .. استردوها تانى .. معلش ..  
استردوها لكن — يعنى نذكر لكل واحد — اتنا موضوعين ،  
ونذكر لكل واحد موقفه يعنى فى أقل وقت ممكن كان عندى  
حول — الثغرة — ٤٠٠ دبابة ، لو كان عندى ١٠٠ دبابة منهم  
وقت الثغرة كانت خلصت الثغرة من زمان .. قوى .. لكن ٤٠٠  
دبابة وبعدين .. فى .. على ما بيعت لى الاتحاد السوفيتى بعد  
ايقاف اطلاق النار .. وبعد الاختراق على السويس اللي حاولوه  
اليهود وبعد ده كله ابتدوا بيعتوا الدبابات بالضبط .. زى  
ما حصل فى مركب كانت ميعادها — باعتين لنا — حاتوصل فى  
يوم خمسة أكتوبر .. سنة ٧٣ يعنى قبل المعركة بيوم .. قال  
.. لما عرفوا من حافظ الاسد ان المعركة يوم ٦ ، المركب ادت  
خبر لميناء الاسكندرية حاتوصل الجمعة ٥ أكتوبر كانت بقدرة  
قادر .. المركب فى البحر الابيض ، لما عرفت ، وهناك .. بعد  
ما ظهر ان احنا انتصرنا .. فى اليوم الخامس أو السادس ..

بقدره قادر .. المركب عرفت طريقها ودخلت ميناء الاسكندرية  
بعد ما تاهت في البحر في أيام .. هو ده أسلوب الاتحاد السوفيتي  
مغايا ده .. أنا باحب أسمعه لحزب البعث واسمعه للامة العربية  
كلها علشان يعرفوا أنا باخد قراراتي ازاي .. وأتم تعرفوا أنا  
باخد قراراتي ازاي .. وتعرفوا القصة من أولها لآخرها ..  
جالي كيسنجر هنا .. الدور ده بقى لما جاني .. ما جالشي يقول  
لى الكلام اللي قاله لحافظ اسماعيل واللى بعته للاتحاد السوفيتي  
.. أقول له تعالى تتكلم نشوف ايه الكلام اللي بيتقال ده ..  
واللى ما عجبنيش .. المرة دي لا .. في نوفمبر جالي .. وقال  
لى أتم غيرتم الموقف .. بالمعركة .. يبقى لا بد يكون فيه سلام  
عادل .. سلام يقوم على العدل .. احنا تحت أمرك .. ايه اللي  
انت عايزه .. قلت له الشجرة دي لازم تتشال .. والا أنا عايز ،  
والا أنا عايز أشيلها ومن فضلكم ابعدوا عني .. وأنا هأشيل  
الشجرة ، أو رجعلي خط ٢٢ . قال لى لا - عملنا النقط الستة  
وانه خط ٢٢ في اطار فض اشتباك وقال لى انت عسكري وعارفه  
وبعض اخواننا في حزب البعث في سوريا بيتكلموا على الشجرة ..  
يسألوا يشوفوا أستاذهم الجنرال ( بوفر ) بتاع فرنسا كتب  
عليها ايه ؟ سماها المعركة التليفزيونية .

ده مدير معهد الدراسات الاستراتيجية بتاع فرنسا كلها ..  
الله يرحمه توفي .. كتب عليها وقال دي معركة تليفزيونية لما  
يبقى داخلين من مسافة ٦٥ كيلو بين جيشين واقفين في سيناء  
ما رجعوش بوصة من مكانهم مدخلهم ٦٥ كيلو بس طب ما هو  
يوم ما تنتهى المعركة ويقفلوا الجيشين وأقفل أنا من عندي في  
الغرب خلصوا نهائيا . ما انكسرش الخط لأ ده كان ثغرة تسلي



وحصل أخطاء ما فيها شك بتحصل في كل مرحلة وما فيش حاجة  
لكن ما وصلتش يعني الى الدرجة اللي تخوف ولا القاهرة كانت  
مهدة ولا حاجة .

المركة التليفزيونية أنا عارفها وعارف أساسها ودي ملهش  
أساس استراتيجي خالص .

دول عازين يوازنوا الموقف وحكيت لكم قصتها ان الامريكان  
لما شافوا قوة الفرقة ٢١ نقلت من الغرب للشرق ويصوروا ،  
واخروا مودين الصور لليهود وقالوا لهم الحقوا بسرعة وازنوا  
موقفكم مع مصر لان كانت هزيمة كاملة قدمنا في وقتها .

والفرقة ٢١ نقلتها الشرق علشان سوريا استعجلتنا .

اللي يحكي وزيرهم .. استعجلنا وما كانش لسه المرحلة  
الثانية تيجي لان احنا في معركة ما احناش نايمين .. احنا ما كناش  
اتصرنا احنا كنا في معركة وفي رابع يوم كان فيه ٤٠٠ دبابة  
لاسرائيل اشلاء قدامنا .. ومعارك دبابات .. أكبر معارك  
دبابات في التاريخ .. كيسنجر قال لي .. لا .. هو دخلت  
تصني هذه الشفرة حنخش ضدك .

طب والعمل ؟ أنا مش عايز أحارب أمريكا ..

وأنا أصلي عارف موقف صديقي الثاني اللي واقف ورايا ،  
واضح ، يعني يبقى شعبي وولادي في القوات المسلحة اللي  
بياخدوا الامر يندفعوا في ٦ أكتوبر زي البركان بايمان واندفاع  
وعقيدة وعنف .. أضحي بالناس دي ازاي .. وأضحى بشعبي  
ازاي ؟ وده ورايا وده قدامي ، قال بنجيب لك خط ٢٢ في اطار  
فض الاشتباك ، قلت له .. أنا قلت له .. مش عايز فض  
الاشتباك ، أنا عايز خط ٢٢ ، خط ٢٢ ده مقتل ، اللي أنا وقفتم

عليه .. اللي وقفت أمريكا عليه ..

الى يتكلموا على الثغرة .. زى ما باقول .. يقرأوا شوية  
ويقرأوا الجنرال ( بوفر ) مدير معهد الدراسات الاستراتيجية  
بتاع فرنسا ، وهمه كان هناك كثير منهم يتعلموا هناك فى فرنسا  
من يوم ما جاني بقى كيسنجر وعملنا النقط الستة .. ابتدئنا  
.. وقال لى الموقف تغير .. اللهجة اتغيرت .. قابل حافظ  
اسماعيل فى فبراير ٧٣ قال له : خليكم واقعيين ، أتم فى وضع  
هزيل، ما تطلبوش المستحيل منا لان احنا بنشتغل على الواقع ..  
فى أكتوبر ٧٣ لما جاني .. أوائل نوفمبر ٧٣ ، لما جاني قال لى  
لأ .. أتم غيرتم الوضع .. اتم قاتلتم .. أتم النهاردة  
.. تكلم عن السلام العادل .. أدى سر التحول فى موقف  
أمريكا الى ميش قادرين يفهموه من اخواننا العرب اللي لسه  
بغبغات عمالين يقولوا الامبريالية والاستعمار .. وكذا ..  
ودول عمرهم ما يقدرُوا عملوا حاجة .. الله !! طيب ما امبريالية  
واستعمار لكن بيقولك يا أخى عايز أحل وياك .. وماشى معاك  
بشرف .. تمشى معاه ولا لأ .. وبعدين ده طرف رئيسى .. ان  
ما كنش هو الطرف الرئيسى فهو طرف رئيسى فى المشكلة ..  
تجاهله ازاي وانت رجل سياسة عايز تحل مثل هذه المشكلة ..  
أنا باحل على الواقع .. وباشتغل بعقل وبحساب .. لاني  
مطلوب منى ده أمام بلدى وعلشان على الاقل أحترم نفسى  
شوية وأحترم تفكيرى وأحترم عقلى قبل ما أكلم الناس .. وقبل  
ما أجر شعبى لاي حاجة ..

مشينا .. تم فض الاشتباك الاول .. وزى ما سمعتونى فى  
الخطبة دكها .. قامت قيامة سوريا .. انعقاد مؤتمر جنيف الاول

.. قالوا ده .. الانعقاد ده بس صورة وواجهة علشان الاتفاق  
اللى حصل بين أمريكا ومصر اتفصح خلاص .. جاء جنيف  
وفات ، قام ما حصلش حاجة .. قالوا لا ده فض الاشتباك  
اتفاق ومصر خرجت من المعركة .. زى الكلام اللى يقولوه  
دلوقتى تماما .. نهاجم .. وبعدها بشوية عملوا هم فض اشتباك  
هم الآخرين وزى ما حكيت وكلكم سمعتم والامة العريسة  
سمعت ، جايب لهم أنا فض الاشتباك والخط بتاعهم من قبل  
ما يتعمل عندى حاجة على الجبهة المصرية على الاطلاق ، أى فى  
نوفمبر ٧٣ ، علما بأنه فض الاشتباك عندنا ما تمش الا فى يناير  
١٩٧٤ ما حدث بعد يناير ٧٤ حدث فض الاشتباك ، وأنا حكيت  
لكم الفترة دى كلها .. دخلنا فى سنة ٧٥ ، جه فض الاشتباك  
الثانى اللى جه كيسنجر وفشل فيه فى مارس .. برضه قبله قالوا  
للدنيا ان مصر اتفقت اتفاق منفرد .. وحل منفرد .. وخرجت من  
المعركة و .. و .. و .. وبعدين صبحوا الصبح ، فوجئوا كلهم  
أن مصر رفضت ، قالت لا .. ما حصلش اتفاق ، وحصل ان  
كيسنجر رجع وأعلن فشله فى مهمته وعرف العالم كله ..  
وبعدها التقيت بالرئيس حافظ الاسد وعاتبته فى هذا ..  
وشرحنا كل اللى شرحته لكم ده بوضوح .. ما فيش قيادة ..  
جت رحلة سالزبورج وقابلت فورد .. ورجعنا هنا .. وجه  
كيسنجر للمرة الثانية عمل فض الاشتباك .. راحت قيادة  
الزعبوبة تانى .. وقامت القيادة تانى .. مصر خرجت من المعركة  
.. ثقل مصر .. دلوقتى سوريا زى ما ورد دلوقتى ناسين كلام  
للرئيس حافظ الاسد .. أرجو انهم يكرهوا ناسينته له ..  
ليه ؟ .. لان أنا أحترم هذا الرجل اللى خطيناه اوله فى ايدين

بعض .. وخذنا قرار ٦ أكتوبر برغم ارادة الاثنين الكبار ..  
لأول مرة في التاريخ العربى يوقفوا اثنين رؤساء ويخطوا ايديهم  
في ايدين بعض .. لكن للأسف - حزب البعث ميش عايز يكمل  
.. وميش عاجباه هذه .. أنا باحترم الرجل لغاية النهاردة  
علشان هذا الموقف وعلشان كده حاتكلم على هذا .. وأرجو  
أن يكون الكلام ده اتنسب له .. ليه ؟ لأنى هاحكى خلفيته  
اللى لازم تسمعها الامة العربية لأنى أنا قلت : أنا مش حارد على  
حاجة ، لكن كل شىء حاحط قصته الحقيقية قدام الامة العربية.  
وحاسب الامة العربية تحكم .. قامت القيامة ، ومصر خرجت  
من المعركة ، ومصر اشترت حقة أرض بقضية فلسطين ، وقاموا  
الفلسطينيين ، بالظبط زى ما هاجموا عبد الناصر .. النهاردة  
حزب البعث يدافع عن عبد الناصر ، ولا بس قميص عبد الناصر  
اللى هاجموه ، ولم يهاجم طيلة حياته بأسوأ وأشنع مما هوجم به  
من حزب البعث .. النهاردة يقولوا هما والاتحاد السوفيتى  
عليه .. الناصرية ..

وصلنا للمرحلة اللى احنا فيها النهاردة . اللى أنا عايز أقولوه  
لكم النهاردة .. انه مع المعاناة اللى حكيتها لكم دى كلها من  
العرب .. من الداخل قبل المعركة .. من بعض العناصر عندنا  
.. أنا خبيت أحط الصورة قدامكم بتاعت الخمس سنين كاملة  
علشان تبقى الصورة واضحة وأسلمكم المسئولية كاملة، وتعرفوا .  
فاضل حقة صغيرة .. مش ممكن أعدى قبل ما أعدى عليها  
لأنى أنا ما باردش على حد .. لكن الرئيس حافظ - زى ما قلت  
لكم - عزيز على .. لازم أصحح له اللى منسوب اليه .. لأنى  
أنا مش مصدق برضه انه قال .. ولو انه يقولوا هنا انه قال .

إنما ما أعتقدش لاني أعرف الرجل صادق .. كان معايا صادق فعلا .. يقول الرئيس حافظ الأسد في حديث نشرته اليوم صحيفة القبس الكويتية أن مصر يمكن أن تلغى اتفاقها مع إسرائيل .. كما فعل النحاس باشا بالنسبة للمعاهدة اللي وقعتها مع الانجليز .. وقال الرئيس السوري ان المخرج الوحيد للموقف الذي يوجد فيه العرب حاليا يكمن في أن تعيد مصر الجملة التي قالها النحاس باشا في الماضي .. فتقول : من أجل مصر ، ومن أجل العرب .. نعلن الغاء هذا الاتفاق .. لغاية هنا برضه أنا باستعجب انه يصدر على لسان الرئيس حافظ الأسد هذا .. لانه أنا عمري ما نصحته في شأن بلده ولا حزب البعث بتاعه ولا في حاجة أبدا .. اطلاقا .. يعني الناس كده طول عمرها بلغت الرشيد من زمان .. قوى .. فباستغرب ، لكن مش ده جوهر الموضوع ..

من ناحية أخرى .. قال الرئيس الأسد ان الاردن رفض اتفاقا شبيها بالاتفاق المعقود بين مصر واسرائيل . لانه لم يكن يحتوي الا على انسحاب اسرائيلي من بضعة كيلو مترات في الضفة الغربية تبعا للشروط المنصوص عليها في اتفاق سيناء . يعني الملك حسين اتعرض عليه اتفاق زي اتفاننا بالضبط .. وبالشروط اللي جات قال في اتفاننا .. فرفض الملك حسين .. هنا بقة .. لانه .. أنا برضه باقول ان ده منسوب لحافظ الأسد لان الحقيقة غير كده ..

بحكى القصة لامتنا العربية ..

الاتفاق اللي اتعرض على الملك حسين ايه ؟

الاتفاق لا بد - الكلام هنا عن اللي تم قبل مؤتمر القمة

بالرباط .. العام الماضي .. له ؟ .. لسبب بسيط .. انه بعد مؤتمر الرباط الملك حسين ما يقدرش يقول انه اتعرض عليه اتفاق أبدا .. لانه أصبح غير مسئول .. مسلم معانا جميعا مسئولية القضية الفلسطينية للفلسطينيين .

طيب .. يبقى اذن هذا الاتفاق لا بد أن يكون اللي كان قبل مؤتمر الرباط ده قصته ايه .. هل ده شبيه بالاتفاق المصري زى الكلام اللي منسوب .. وأرجو أن يكون منسوب لحافظ الاسد مش كلامه .

لا .. أحكى القصة ..

فى مؤتمر الرباط اتشكلت لجنة خماسية من الملك الحسن والملك حسين وأنا وحافظ الاسد وياسر عرفات .. وكلهم سامعينى على الميكروفون دلوقتى زى الامة العربية بتا هى سمعانى .. هذه اللجنة الخماسية قعدنا عشان نشعرف ازاى نحل مشكلة المقاومة مع الملك حسين ..

أنا كان من رأى .. وفى اسكندرية هنا عام ٧٤ لو تذكروا لما جانى الملك حسين فى الصيف وعملت الاعلان ، أنا كان من رأى ان الملك حسين يستطيع انه اذا اتفق مع الفلسطينيين وبرغبة الفلسطينيين على شكل علاقة محددة ، كان رأى أنه يقدر يجيب لهم أرض يستلموها ويرفع عليها علم فلسطين .. وما خبيتش هذا .. قلته .. وعملت بيانى أنا والملك حسين .. فرحنا مؤتمر الرباط وسلمناهم كل العملية ..

والغريب انه قامت قيامة الفلسطينيين يومها ، وأنا متفق مع الملك حسين وأعلنا ان الضفة الغربية وديعة عنده زى غزة ما هى وديعة عندنا فى مصر .

من كام أسبوع .. اتم سامعين .. وحصل قيادة مشتركة  
بين سوريا والاردن وما سمعناش فلسطينى لا زعق ولا هاجم  
ولا حاجة .. مواقف غريبة شوية لكن بنعديها .. لكن برضه  
يقولوا عارفين ان احنا فاهمين يعنى .. اخواننا الفلسطينيين ..  
لما قعدنا احنا الخمسة فى اللجنة الخماسية أنا قلت الآتى :  
قلت انه اذا كان الملك حسين يستطيع يجيب فض اشتباك ولو  
على ستيمر واحد .. من الضلفة الغريبة فلان لازم يجيبه  
للفلسطينيين عشان الفلسطينيين يرفعوا علم فلسطين ..  
لا .. فى هذا الوقت زى ما عرفتم ، وسمعتم قبل المعركة  
بستين .. قلت : كونوا حكومة مؤقتة .. كان زمانها النهاردة  
العالم كله معترف بيها .. قطعت علاقاتى حتى بالملك حسين فى  
ذلك اليوم علشان خاطرهم .. وفى خطبتى يومها قلت : ان أنا  
بأعمل هذا لان جولدا مائير تمادت فى الفرور وقالت ان مافيش  
حاجة فى التاريخ اسمها فلسطين .. ففى اللجنة الخماسية واحنا  
قاعدين .. الملك الحسن والملك حسين وأنا وحافظ الاسد وياسر  
عرفات .. قلت اذا كان الملك حسين يستطيع يجيب ستيمر  
واحد من أرض فلسطين فهو مكسب ، ويطرف عليه العلم  
الفلسطينى .. قام - الكلام اللى كان ماشى وقتها ان الملك  
حسين هايجب فض الاشتباك .. معروض عليه فض الاشتباك  
.. واحنا كنا ، احنا وسوريا ، عملنا فض الاشتباك الاول ..  
وفيه ان احنا واخدين أرض .. سوريا خدت الأرض اللى  
فقدتها عن خط الابتداء زائد القنيطرة .. وأنا خدت أرض حجم  
انتصارى وقلت مش عايز غير حجم انتصارى .. أهوه على  
الأرض حجم انتصارى فقط ..

أيامها قالوا : الملك حسين معروض عليه فض الاشتباك ..  
قلت لهم : ولو ستيتمتر واحد معروض لازم يقبله الفلسطينيون  
ويحطوا عليه علم فلسطين .. فتحيا قضية فلسطين من الاول  
وجديد .. قام فاجئنا الملك حسين بالآتي .. قال : ده اللي  
معروض على مش فض اشتباك .. قلنا له : أمال ايه اللي  
معروض عليك .. قال : ده اللي معروض على حل نهائي .. انه  
اسرائيل تدينا ممرات ما بين المستعمرات اللي على نهر الاردن ،  
تدينا ممرات نخش منها الى مسافة في الضفة الغربية .. وحل  
نهائي .. قلنا له .. قلت له أنا : لأ ده ما يقاش فض اشتباك  
.. ده يبقى حل نهائي ومرفوض ، شكلا وموضوعا .. قال :  
هو ده اللي اتعرض على .. عندئذ قلنا له لأ ما حد يقبل بهذا  
.. قال : أنا بأرى أن الفلسطينيين يستلموا قضيتهم .. قلنا له  
يستلموا قضيتهم .. ورحنا اللجنة الخماسية راجعين للمؤتمر  
.. الملوك والرؤساء .. وبلغناهم الحكاية .. اذا كان اللي  
منسوب لحافظ الاسد ده حقيقى .. يبقى فيه مغالطة كبيرة ..  
ما أحبش حافظ يقع فيها أبدا لانه طول عمره راجل صادق ..  
اللى تم فى الاتفاقية الثانية هنا .. مش من داخل ممرات بين  
مستعمرات اسرائيلية واقفة على نهر الاردن أو واقفة عندى على  
الممرات لأ .. ده أرض كاملة .. يذكر اذا كان ده صحيح  
منسوب لحافظ الاسد .. حافظ الاسد يذكر أنه نقط خط  
بارليف الامامية وخط بارليف كله .. والقناة كلها اكتسحها  
جيشنا المصرى .. مش محتاجة لحاجة ..  
بعدها .. بعد هذا .. ما بناخدش ممرات .. بناخد خمس  
آلاف كيلو متر مربع من أرضنا .. لا بنمر بين مستعمرات





اسرائيلية زى ما اتعرض على الملك حسين .. ولا بنمر جنب  
اسرائيليين ، وانما أرض بتسلم لمصر فيها مواقع استراتيجية هي  
الممرات وفيها بترول .. ثروة بتاعة مصر .. مش معروض على  
ممرات أخش وأسيب خط آلون على نهر الاردن .. زى الملك  
حسين ما قال .. الفرق شاسع .. مش شاسع .. عيب انه يتقال  
.. وأمتنا العربية لازم تعرف الحقيقة .. الكلام ده مشوث في  
محاضر ، مؤتمر القمة في الرباط .. اللي احنا وافقنا عليه هنا في  
الاتفاق الثاني انسحاب اسرائيلي من ٥٠٠٠ كيلو متر مربع من  
أرض مصر فيها ممرات استراتيجية وفيها بترول .. مش ممرات  
بين مستعمرات .. عيب .

من غير شك أنا بأرجو وأدعو الله أن يكون الكلام ده نسب  
الى الاخ حافظ ، لانه أنا مش عايز أفتح معركة مع حد أو مع  
حافظ بالذات .. لان أنا قلت الراجل ده حطينا ادينا في ادين  
بعض وراجل أنا أحترمه وله قيمته ..

بعد ذلك منسوب له كلام كثير وانه يستطيع أن يعبى مليون جندي وأن سوريا تبذل جهود من أجل أن تعيد بطريقة أو بأخرى التوازن مع اسرائيل الذي أختل على أثر تجميد الجبهة المصرية .. لا .. الجبهة المصرية ما اتجمدتش .. بس للأسف يوم ما رجعت المهجرين في مدن القناة قالوا مصر خرجت من المعركة ..

يوم ما فتحت قناة السويس قالوا مصر خرجت من المعركة .. يوم ما عملت اتفاق فض الاشتباك الاول وأنا جايب اللي زيه لسوريا قالوا مصر خرجت من المعركة .. يوم ما عملت فض الاشتباك الثاني قالوا مصر خرجت من المعركة .. لا .. الاتفاق الثاني - باقولها بصراحة لاختونا حافظ الاسد - الاتفاق الثاني انتصار للامة العربية ولمصر .. ولكن جاز يكون هزيمة لحزب البعث .. له ؟ .. لانه يبص من منطلق حزبي فسبق انه عايز يكسب لسوريا دلوقتي أحسن من اللي تاخده مصر .. طيب ماهو جاي عليها الدور زي فض الاشتباك الاول .. لا .. اذا كنا ننظر بمنظار حزبي ممكن يبقى نقول عليه انه يتاخذ بهذا المنظار .. احنا ما بنشتغلش بمنظار حزبي ، احنا بنشتغل بمنظار قومي .. هذا الاتفاق نصر لمصر .. نصر للقومية .. نصر للقضية .. نصر لفلسطين حتى ولو ما كانوش مدركين هذا بكره يدركوه .. وبكره يعرفوه ..

أنا طولت عليكم لكن أنا كان لازم أحكى لكم وأقول لكم اللي في قلبي ..

الخمس سنين اللي فاتت بقي كده ، تاخذ فكرة عن التسلسل اللي شرحته لكم ..

□ في وسط كل هذه المعاناة .. أصدرنا الدستور  
الدائم وأغلقنا المعتقلات والسجون كلها  
ورأى غير رحمة .

□ لهذا يحدث في مصر لأول مرة منذ ٤٠ عاما .

□ انتهت مراكز القوى إلى الأبد ، وساد القانون  
وأصبح المواطن آمنا على يومه وغده ..  
آمنا على ألقامه وعرضه وماله .

□ هاربنا أمريكا وإسرائيل أمامنا .. وكان  
الاتحاد السوفيتي يطعننا من الظهر .

□ انتهت مؤامرة مركسة الميثاق وصدرت  
ورقة أكتوبر تصحيا لوثائق الثورة .

□ واليوم في الذكرى الخامسة لعبد الناصر  
يتم الانسحاب الثاني لإسرائيل .

□ التعهدات التي أخذتها على الرئيس الأمريكي  
لهي ألا تعتدي إسرائيل على سوريا .. وإتمام  
فض الاشتباك فان في سوريا .. واشتراك  
الفلسطينيين في التسوية .

□ المسيرة تستمر بعد وفاة عبدالناصر على أكمل  
وأروع صورة وبدراسة لكل المتغيرات .

□ يكفي أن شعبنا راحته منه نزعته الحق والكرامته

□ إن إنجازات السنوات الخمس الأخيرة ، لهي ملحة  
رائعة من ملاحج تجربتنا النضالية التي  
بدأناها في ٢٣ يوليو .

□ وضعنا الملاحم الكاملة لمجتمع يهدد لهرابن  
ثورة ٢٣ يوليو ، وابن ثورة ١٥ مايو ،  
وابن معركة أكتوبر .

□ تحرير الأرض المصرية والعربية لهرمسؤوليتنا  
الأولى والأساسية .



□□ في وسط كل هذه المعاناة .. عملنا الدستور الدائم .. بيان  
٣٠ مارس اللي أنا قلت لكم لم ينفذ منه شيء .. كان يقول  
الدستور الدائم بعد ازالة آثار العدوان .. لا .. في عام ٧١  
عملنا الدستور الدائم .. قفلنا المعتقلات والسجون كلها والى  
الابد منذ ٤ سنة ، أى من قبل الثورة .. أعدنا الحرية  
والطمأنينة لكل مصرى .. الحرية النهاردة اتحققت على أرض  
مصر .. عملنا معركة ٧٣ .. زحنا الكابوس اللي كان يتمثل في  
الخبراء السوفيت هنا ، واللى كانوا يقولوا ان المعركة مستحيلة  
وكاتبين وماضيين ان الخسائر من ٤٠ الى ٦٠ ألف ، وكاتبين  
وماضيين لحسنى مبارك أن ضربة الطيران الاولى حتكون  
خسارتها ٣٠٪ .. وتحقق أهداف ٣٠٪ ، قام ضربة الطيران  
الاولى ما رحش فيها الا ٥ أو ٦ طيارات من ٢٢٢ طيارة ، بحقت  
٩٩٪ نتائج .. ولى الشرف أن يكون أخويا أحد الخمسة  
الاولى اللي ماتوا في حرب أكتوبر وفي أول ربع ساعة وهو طيار  
.. في ضربة الطيران .. في وقت واحد بأواجه كل ده بالداخل

وفي الخارج زى ما جكيت لكم لكن تمت انجازات رهيبة ..  
اتتهت مراكز القوى الى الابد .. الدستور الدائم .. سيادة  
القانون .. حرمة القضاء .. الامن .. الامن للمواطن على يومه  
وغده وأهله وولده وأحفاده وعرضه وماله . المعركة اللي أثبتنا  
فيها مش احنا بس ، وأثبتنا ذات العرب كلهم .. المعركة اللي أنا  
برضه بأعيد وأرجع تانى ولازم أقولها وما كنتش أحب أقولها  
.. لولا مصر ما كانتش هذه المعركة لانه لو قبلت العرض اللي  
جاءوا لى الاتحاد السوفيتى من سوريا ثلاث مرات بوقف امتلاق  
النار لكان استخدم سلاح بترول ، ولا كان لحق العرب يعملوا  
حاجة .. ما قبلتش واستمرت ١٧ يوما .. من ثالث يوم كانت  
سوريا مكسورة .. مش بأعيب .. ما باقولش ده عيب على  
عمد .. ليه ؟ لان دى حرب بنكسر اللي قدمنا وتنكسر ..  
ما فيهاش حاجة .. لكن أنا با أقرر حقائق ، ١٧ يوما منهم عشرة  
أيام وحدى أواجه الاثنين : اسرائيل والامريكان قدامى والاتحاد  
السوفيتى وراء ضهرى .. عملنا كثير .. عملنا ورقة أكتوبر .  
جت علشان الميثاق اللي أسىء تفسيره عن عمد .. اللي يلبسوا  
قميص عبد الناصر النهاردة وعازين يقلبوها ماركسية ويقلبوا  
الميثاق ماركسى زى ما كان أيام مراكز القوى .. انتهى الكلام  
ده كله .. يان ٣٠ مارس الذى لم ينفذ ده اجراءات الاعتقال  
فيه كانت اتخط لها بس ضمانة انه يبقى فيه لجنة من اللجنة  
المركزية تراجع الاعتقال والقبض .. النهاردة ورقة أكتوبر  
قالت الى الابد اتتهت المعتقلات .. وحصلت الحرب ولم يعتقل  
مصرى واحد .. وأظن البلد النهاردة ولو ان احنا فى حالة أحكام  
عرفية انما لا أظن ان واحد شاعر ان فيه أحكام عرفية فى البلد

النهاردة .. اطلاقا .. استحصلت ده كله من بعض الطلبة .. من الصحفيين .. فى وقت من الاوقات من المهنيين .. من العرب ، من عناصر كثيرة .. استحصلت ده كله لكن كان الانجاز ضخيم فى الخمس سنين دول .. والنهاردة ، وفى الذكرى الخامسة لعيد العناصر يتم فض الاشتباك الثانى اللى بنحصل بيه على الممرات وعلى يتروله سسيناء بالكامل وهو ليس الا خطوة كما نص الاتفاق .. خطوة نحو الحل النهائى ولا يمثل كما هو منصوص عليه وبلاش التهريج وبلاش المزايدات واللى عايز يقرأ .. يفرا نص الاتفاق .. خطوة نحو الحل الشامل اللى كل الاطراف حتكون موجودة فيه بما فيها فلسطين ..

أنا ما أعلنتش عن التعهدات اللى خدتها على الرئيس الأمريكى .. لأن قلت سييهم يهرجوا فى التهريج بتاعهم .. أنا واخذ تعهد على الرئيس الأمريكى ان اسرائيل لا تعتدى على سوريا .. وواخذ تعهد على الرئيس الأمريكى باتمام فض الاشتباك على سوريا زى ما حصل فى فض الاشتباك الاول .. وواخذ تعهد باشتراك الفلسطينيين فى التسوية .. ان كان فيه حاجة سرية تبقى دى - با اللى سامعنى فى العالم العربى ويا حزب يا بعث يا سورى : ويا فلسطينيين - ان كان فيه بنود سرية أهه البنود السرية باحكيها .. ما حبتش أقولها وقتها لان أنا فى وسط الجو المحموم بتاع المزايدات والخيانات وتوزيع الخيانة ما حبتش أرد ومش ح أرد .. ومش مصر اللى ترد ..

برغم ده كله .. حصلت انجازات ضخمة ..

ورقة أكتوبر حطت استراتيجية لسنة ٢٠٠٠ لخمس وعشرين سنة جاية .. أظن خط السير ده كله لا بد أنه يكون فضح اللى

يلبسوا قميص عبد الناصر .. النهاردة من الخارج ويهاجسونا  
.. اللي يلبسوه هنا فى الداخل علشان يحاولوا يعملوا من أنفسهم  
كهنة لمعبد عبد الناصر اللي ما حدش يعرف تعاليمه الا هم ..  
أظن ده واضح قوى .. وخط السير واضح .. والمسيرة  
ماشية وبتتكمّل بعد ما سابها عبد الناصر على أروع صورة  
وبدراسة وبدقة لكل المتغيرات ، ويكفى .. يكفى ان النهاردة  
شعبنا راحت منه نزعّة الحقد والكراهية .. اللي اتربت فى البلد  
من زمن طويل .. يكفى أن نزعّة الحقد راحت ومصر عادت  
عيلة واحدة .. يكفى أن المعتقلات والسجون اتقفلت كلها ..  
الى الابد .. يكفى أن سيادة القانون بتحكم .. ما فيش كبير،  
وصغير أمام القانون .. يكفى أن كل انسان مطمئن على نفسه  
.. يكفى ان حتى اللي يعارضوا النهاردة يقدروا يقعدوا ،  
ويعارضوا ويخطبوا .. وما حدش يروح يقبض عليهم .. يكفى  
الانجاز الضخم .. الانفتاح الاقتصادى .. الانفتاح الاقتصادى  
كنت عايز أكلمكم عليه لكن فى مناسبة جاية ان شاء الله سأكلّمكم  
.. انجاز رائع .

أيها الاخوة والاخوات .. ان الانجازات التى تمت خلال  
خمس سنوات أكثر من الاحصاء ، وكما قلت هى ملحة رائعة  
من ملاحم تجربتنا النضالية التى بدأناها يوم ٢٣ يوليو ،  
وجددناها وخرجنا بها من المحنة فى ١٥ مايو ثم فى ستة أكتوبر  
.. ومن ينظر الى انجازات هذه المرحلة فرادى قد يدهشه كثرتها  
وتنوعها وشمولها لكافة ميادين العمل الوطنى وساحاته ، ولكن  
الاهم والاعمق من هذا التعدد .. ان ننظر اليها متكاملة .. أن  
نلاحظ الترابط العضوى بينها .. بين قرار الحرب مثلا من جهة ،



وخطه التعمير حتى سنة ٢٠٠٠ من جهة أخرى .. يشسوف  
الترباط بين الاثنين .. بين قرار الافتتاح الاقتصاى من جهة،  
وخطه تجديد وتطوير القطاع العام من جهة أخرى .. بين  
اطلاق الحريات ، وبين تطوير الاتحاد الاشتراكى ، والبدء بتجربة  
تعدد المنابر وتدعيم المؤسسات الدستورية فى البلاد .

ان من ينظر الى هذه المنجزات .. ليس فى عددها ، ولكن فى  
شمولها وتكاملها سوف يجد اننا فى هذه السنوات الخمس قد  
وضعنا الملامح الكاملة لمجتمع جديد .. هو ابن ثورة ٢٣ يوليو  
وابن ثورة ١٥ مايو، وابن معركة أكتوبر ، وابن الفكر الثورى  
الوطنى المدرك لمتطلبات العصر الحديث ومتغيراته .. ومع ذلك  
.. فانتى أقول لكم : أيها الاخوة والاخوات .. ان ملامح هذا  
المجتمع الجديد التى وضعنا أسسها لا تدعوننا الى الراحة ، بل  
تدعوننا الى مزيد من المشقة والجهد والنضال .. فالارض  
المصرية والعربية لم تتحرر كلها بعد .. وما زلنا نعتبر هذه  
مسئوليتنا الاولى والاساسية ، والفرد المصرى لم يحصل بعد  
على المستوى الذى نطمح اليه وتتمناه . ان النظر الى انجازات  
الامس قد يدعو الى الراحة .. فى حين ان النظر الى انجازات  
الغد يدعو الى مزيد من الجهد والتعب .. ولكن واجبى فى  
مركزى هذا أن أنظر دائما الى الامام ، وأن يشغلنى مستقبل  
هذا الشعب الجديد .. المجيد ، وانتى أتمنى أن تنتشر بيننا فى  
كل مواقعنا هذه الروح .. فلا نحارب معارك الامس ..  
لا نحارب معارك الامس لا داخليا ولا عربيا ، بل نشمر عن  
سواعد الجد لنواجه معارك الغد .. فنحن فى عالم لا يرحم  
القاعد . ولا المتباطىء ، ولا الذى يحاول أن يسير ووجهه الى

الوراء .. نحن يجب أن نفهم الماضي لكي نتعظ بتجاربه .. لا  
لكي نرتبط بقيوده وسلاسله .. الشعب الاصيل هو الذي  
يعتز بترائه وأصالته ، ولكنه يتخذ منها حافزا على التقدم ، ولا  
يكتفى بها عذرا عن القعود ..

في هذه الذكرى ادعو الله سبحانه وتعالى الا تأتى الذكرى القادمة  
الا ونكون قد حققنا المزيد من البناء ، وحققنا المزيد من الحب  
والتراحم والود .. ادعو الله أن يوفقنا لكل هذا في الذكرى  
القادمة .

« ربنا لا تزغ قلوبنا بعد اذ هديتنا وهب لنا من لدنك رحمة »  
انك أنت الوهاب .  
والسلام عليكم ورحمة الله ..



53